





雖石室是都而目亦可以瞑也。夫心亦可以瞑也。夫生豈絲
芥之眷。久瞻素履。親炙其光。豈敢以樗櫟之材。而斗胆弄斧。
妄爲佞譽者乎。

郡庠生姪婿倪一貫拜撰





Blank manuscript page with vertical columns and a large water stain on the left side.

○秦岳德字陳公善行傳

穎川貫一百翁詔之外父也諱日覺字爾庠號德字世居浦陽之觀巖其地輪岩後峙曲澗前流左右屏障响嶙送聳故先世顯達奕葉蕃衍自宋迄今六百年餘永爲通化望族二十傳而生公昔大明萬曆癸巳年也公稟性淳厚立志遠大少習詩書長勤耕稼舉凡人車之當爲之之當盡之之中禮名人碩士鮮有跨其上者撫今追昔誠全人也詳其實以爲傳公考亨四十七府君公妣蔣氏安人奉養備陳服勞隨命和顏愉色歷壯歷強終不改孺慕依之致妣中年先逝考壽躋八十餘日毗耳背若出告若入而若晨昏定省若步履追隨一如妣存之日罔或少懈旣沒寢食式禮葬祭竭誠族人傷感咸曰若此者昔僅見于公喪妣之年今再見于喪考

之日也昆季三人公居次伯氏諱日鰲號宏字叔氏諱日聖
號定字天性怡匕垂髮而皓首同庖而異炊鬪牆之變角方
之嘆杳不爲聞娶胡氏爲詔之外母蓋將仕郎守一四胡公
之女也敬事舅姑樂勤蠶績接妯娌以和御儀從以惠肅匕
雖匕克嫺婦道舉案齊眉相敬如賓公獲其助爲非天作之
合乎而刑于之化亦於茲驗焉始生女適詔幼習以針指宜
酒食諄匕古禮告戒不獨百兩盈門爛然于及笄遣嫁之日
也繼生二男長得夔字如章幼得英字如標皆貞幹材公嘗
以明心寶鑑令其習誦甫及長延擇明師良友講課磨礪亦
必以禮義爲先給用之需不瓊匕於同塾而必爲倍之先賢
兒女之訓公悉得其微旨矣如章生希允希徵生一女適詔
之次子光建如標生希旭希昊女配倪夢禎或時以年幼或

產於公後不獲親授以家教而厥謀無勿貽也立身齊家公
之大槩有如此者以至敬老慈幼恤寡憐孤情篤於親族誼
孚於朋友種々懿行未易更僕數尤勸諭公平善排紛解難
當明季干戈擾攘民事多艱之日公任鄉正地方賴以安者
幾百餘家公素情娛山水名托經商貿於睦遷於越卽錙銖
亦必以義取必不以苟得爲快故建德桐廬山陰會稽及所
到處口碑噴々沒後其鄉隣有至者故老尙稱述其遺行勿
倦也順治甲午年十月公年六十有二賓筵在望而以疾於
正寢嗚呼何彼蒼遽奪之速而不留全人爲當世激勸耶予
思天地生人功不獲盡被寰宇名不獲概垂竹帛而彝倫攸
叙美行聿彰緒克纘而統克垂惡無彼而射無此詎不卓越
羣流而爲當世之全人哉擬之于公洵有當而非譽焉獨詔

以駕駘下乘兼幼喪父母長患羸瘠繼罹兵火不能奮志鵬
程耳老費舍門楣之玷難爲公釋然二男駒雛特達諸孫蘭
桂芬芳行將繼公之志述公之事紹美行于無疆高門第於
有昔誰以半子庸之而疵君遺恨哉今當陳氏譜牒告竣之
日深愧學不能文句不入格不足爲泰岳闡揚平素而夙昔
覆植之恩難以自諉故不恥俚陋沐手直書附諸梓以傳不
忘焉

康熙五年丙午一陽月

古長山庠生愚婿徐承詔頓首百拜撰

禎


○貫百二公傳

貫百二公諱日鳳字爾鳴號明宇亨六十二公之次子也容
貌蒼古胸臆質樸不修邊幅而循規蹈矩不馳少秀可守身
保家樂志林泉怡情畝畝不伎不求無驕無諂惟親襁褓而
課農桑躬耕耨而較陰晴內存忠厚之心外絕澆漓之態洵
有先民之遺風不愧馬少游之知足以自娛者也配蔣氏名
門淑質德容並熾不幸仙登香閨乏儀續娶何氏溫柔和藹
愷悌慈祥斯乃婦道之無歉者也生四子長曰得恕字如忠
次曰得愈字如奇三曰得恩字如膏四曰得應字如兆俱能
秉恪守素分謹遵嚴規克勤儉而篤務農業惟孝弟而無相乖
戾則異日之允嗣蕃興家道隆茂不卜而可預量也矣詩云
明之在上赫之在下語云善惡無報乾坤有私故穹窿之所

以酬公之善行者實乃彰之不忒者也是耶非耶

康熙五年桂月

郡庠眷姪婿倪一貫拜撰



[Faint bleed-through text from the reverse side of the page, including characters like '郡庠眷姪婿倪一貫拜撰' and '康熙五年桂月']


○貫百一八公

○貫百四公傳

貫百四公諱日望字爾述號定字亨四十七公之幼子也心
懷坦易言詞文雅貌如冠玉操似堅金德懋謙冲而無殘忍
之行量懷泰霽而無峻刻之氣事椿萱而孝敬克篤處伯仲
而和愛有方文猶於質德並於才洵有古儒士之風而紹仲
方氏之芳者歟配蔣氏德性溫柔容貌端莊待妯娌而和順
奉舅姑而真誠慈惠姑媵而愛育庶子黽勉同心而勤勩良
人若非名門內訓之賢何以得懿淑之無間然如是哉如夫
人戴氏生一子諱得斗字如南天性敏慧志量軒朗言論慷
慨不局促于窄隘禮貌周詳不瑣屑于卑陋克紹方治堪繩
祖武宗族鄰里莫不歎服其爲克閭之子實乃公之陰隲所
感而得此令嗣以裕後之蕃衍莫罄哉則楂梨之交賢正所

為是父是子者乎而異日子孫之繩之若瓜瓞之綿之可以
為公預鑒也夫

郡庠眷姪婿倪一貫拜撰



人薄升主一千餘掛卡字收南天到以...
人言長各門內賜文寶而以...
奉與...
去...
而...
之...
對...
賈...
...

賈...

○如標兄小傳


余觀今俗所尚者畧品誼無論苟求田間舍能積金遺後人便嘖之人口矣然而君子勿許之如我族兄如標者早失父兄又兩喪偶值多事時能成先業屹然自立亦人所難矣哉至其愛衆親仁扶危濟困事孀母以孝撫孤姪以慈此抑農圃而知崇學之功歟尤人之所艱以視求田問舍者不有青雲紫陌之懸耶

弟得彥書

漢書劉之懸甲

國而後崇學之恆廣大人之刑獲以誠求田問舍者不待齊
 至其安眾陳子封承新因事默毋以華無加誠以於於何難
 且又兩矣則而委事如謝如於業洲然自立亦人刑類矣錯
 與對之人口矣然而甚于於情之成廷其及收縣者早矣於
 余雖今俗刑向者尋品並無能也東田問舍者於於金於於人

漢書劉之懸甲




○貫一百廿三公傳

貫一百廿三公諱日芳字爾芝號蘭庭享五十二公之四子也爲人坦易處世謙和交朋接友重義輕財守分而不欺凌于人合理而不妄發其言展矣一鄉之善士也不幸仙遊遠近親隣莫不悲哀而嗟嘆善人之不能久存也良可痛哉配祝氏才德兼美貞節堪誇良人夙逝而心同金石羣兒孤穉而力艱撫養矢志靡他栢舟雅操郡邑聞其芳聲特旌其匾云冰玉貞心豈非名稱其實而正以大勵斯世之婦道者乎生四子長曰得象字如賢次曰得官字如佐三曰得珍字如懷四曰得寵字如榮俱以穉齡失怙孝奉萱堂而不敢違忤情鍾雁序而不致乖舛朝夕勤劬守分耕耘恪供子職慰悅母心交稱爲幹蠱之子亦不誣也公雖在九京之下而有此

群嗣克繼家聲亦可以瞑目而欣然也矣忝在葭莩之末敢不表其孀母之節孤子之和以附家乘於不替也乎

郡庠眷姪婿倪一貫拜撰



於四子其曰... 云米王貞心豈非各解其實而五以大風... 而代顯... 臨丑卜... 遂... 于... 出... 貫一百廿三...

貫一百廿三...

○貫百廿七稱三九公傳

貫三九公諱日倫字爾彝號泰字亨五十二公之幼子也生平剛毅發言侃直素性不肯諂諛于人處世惟以端方爲主凡遇宗族親隣巨細之事不憚昕暮暇冗卽爲排難釋紛令其輸服墜息而後慊焉惟知竭力盡心公道調停不計其知恩與否而更不伐己之勞圖其錙銖之利以爲償也嚴君捐世之速鴈行折翼之變屢遭踳躓後又蹇邁骨肉橫禍恨無肺石以鳴情猶能撐持家業扞展設施晉接親踈莫不罄盡其誠而款待以豐隆之禮交稱爲人中之英傑也媲美于馬氏之白眉豈有殊乎配蔣氏德性純靜相夫內治非得於巨族之姆訓深者不及此也生七子長曰得佳字如美次曰得佐字如相三曰得佑字如伸四曰得化字如成五曰得傳字

如會六曰得傑字如位七曰得仕字如行俱以和氣歡聚共
效田荆之義友愛樂群饒有姜被之風雖念同胞而友恭若
是亦為世之難覩者矣然而實藉於巖堂慈幃二人家教之
賢治法之美故獲至於斯也抑公已畢子平之願又以兒孫
遠膝分甘以娛日兼享齊眉舉案之樂效問安而惟點頷此
又豈晚近之所能易覩者哉愚以親忝瓜葛誼屬肺腑故畧
表其實履以垂於悠久也歟

郡庠姪婿倪一貫拜撰

其... 郡庠姪婿倪一貫拜撰

○貫百廿...

○耆宿居士陳翁併安人倪氏傳贊

翁諱日品字爾哲行貫百六十二傳六十九翁之第四子也
娶倪氏生丈夫子二長諱得耀次諱得瓊長孫諱希雲諸孫
十餘人聞之倪氏名門女也適陳之後家道日隆而翁之孝
友出於天性遇父母有疾必愁然失色親嘗湯藥朝夕侍左
右衣帶不解疾愈始歡笑如故或遇兄弟有過分處必涕泗
諫止田舍器皿必擇其磽敝者以自與鄉黨之孱弱孤寡者
必扶之是其仁也豪強刁悍者必剪之是其義也預輸國課
率勵親族是其忠也與人期約千金不移是其信也嗚呼行
而至此可謂之完人矣然其幼習詩書繼以躬膺家務乃掩
卷而嘆曰予生不逢時學業未成是命也夫因誓志必以誨
子訓孫爲務而子若孫攷之好學發軔黌宮曾嶄然而見頭

角矣且精於堪輿父子間遨遊山水牛眠之地可指日而為
馬鬣封也第家業恢擴造就學業雖翁之經營嚴督亦由倪
氏之助於內耳噫翁之德盛行端言謹識高緣是郡公邑侯
屢咨薦剡榮冠耀帶常命使星敬承祖德有不盡之耕雲燕
翼貽謀無掛漏之甌脫况其不矜己不驕人行合聖賢之旨
無求於世無媚於人事孚豪傑之舉而且恤隣撫孤不負其
寄托敦倫睦族每用其謹愿設

朝廷采風至此豈特令秉筆太史入於一人之傳而已哉必將烜
赫其聲光而聞當時傳後世又不但於家乘之傳區々域於
一隅也其贊

錄曰

聞古隱士在漢四皓歷至孝武又得三老假譽於朝未足云

好豈若吾翁岩居嘯傲漱石枕流山林深密跡絕市朝表裏
若一言不輕發行若金石逍遙阡陌較雨量晴笑問桑麻高
談秔稻探節數時徒倚簷楹食指雖繁怒詈不聞壽踰古稀
飴弄曾孫有耕有讀幹蠱能文統由賢助克相夫子絲枲勤
搯有條有理婦德之修己全其四婉婉敬恭家人仰止鍾郝
風微今復見此德光於前慶餘後裔

皆

康熙五十年辛卯臘月之吉

浦邑廩生通家眷侍教生文溪樓灑拜撰

伏念

祖公品之超兮行之端兮曰孝曰悌一本篤兮克恭克敬五
倫盡兮施人好義周隣里兮崇禮重信交親友兮幼肄業於

經史達常變之經權兮壯經營於繼志極家聲之不振
 時諄之於義方致丹穴之鳳飛兮嘗悠之於山水晰地理之精
 微兮貽謀而善後天之眷顧獨厚兮欣蘭桂之齊發爭妍競
 秀而芳菲兮荷彼蒼之報施而實為邦家之光兮

侄孫隆義謹撰

(Faint bleed-through text from the reverse side of the page)

○貫四公贊

美公生平寬裕簡慎赤手起家教子成名鄉邦推重聖世耆
賓子孫蕃衍毓德淵宏

○貫五十三公贊

美公爲人不事繁華言根出心行由篤敬飾帳談文遇景豪
吟有虧勿校有譽匪欣德業兼隆綿之永承

從姪孫希德拜撰

○貫七十八公贊

心性溫良言詞和雅父早喪而治家克謹母能孝而撫弟有
方洵爲族望之才德兼美者也

姪婿倪一貫拜撰

○貫九十九公贊

富貴浮雲哉唯爾奚營不羨立德不羨立名于于天真無懷
氏之民歟葛天氏之民歟

畫村氏倪一膺題贈

○貫一百公贊

碩膚貌莊體堅氣剛德著天壤行表四方敬信獨抱叅倚自
勤祚允歟盛蘭玉趨鏘

○胡氏贊

懿德爛名門賢節操堅冰玉涓妯娌謙尊畀笈噫婦道無添
此其閨中之式範也鮮

眷弟蔣其閣拜撰

○貫二公贊

蓬茅不以爲卑粗布不以爲醜行而不驕食不甘味真爲誠

實之君子也云爾

弟日哲贊

○貫一百四公贊

稟界賦淳良溥詡譽德行恒宜詰業非儒行宛儒嗜賢若渴

三吐哺喟云駿之乎有儒風之雅度

○蔣氏贊

孝敬於舅姑其風頗彰順協於夫君其德彌臧妯娌而雍睦

迺謙迺颺內外而無間介式介綱噫誠壺中之姆儀真可範

之女狀

○貫百十公贊

眷弟蔣其閣拜撰

○又贊

觀乎處世四時行焉未嘗不懷仁義未嘗不存道德真有聖

世之民也耶

弟日哲贊

○貫百七公贊

醕醬維耆引翼維祈爾乃介福獲食天祿亶厚乎而裕後乎

而益之以羞者乎爾

畫村氏倪一膺題贈

○貫百十七公贊


為人坦易輕財重義待親戚而盡情處宗族而咸和亦族內

之忠厚者也

○貫百廿五公贊

質性循良行誼坦率勤蓄畚盡職業遵古訓維名節循公守

正坊檢無裂是以蟄之繩之綿之瓜瓞



庠眷弟鄭汝賓拜贈美

○貫百廿七公贊

翁素性剛毅揮言促直事寡母克孝待羣兄能和邑僉保障
歷六載而公私全美鄉族之中凡遇大小事務代為設處况
直革命之初干戈擾攘盜賊蜂起力為驅逐安慰四方隣里

日盡農業夜安枕席并款待親友莫不克盡豐厚追憶祖德
倡率力任修譜殫費財力毫無怨恚年值耆衰猶矍鑠而仔
肩落成巨事洵能光前裕後之宗哲更為才德兼備之人傑
也

漢世之英身不論外舉歸鄉里教養而益志八鄉派之紳士具

掛○又贊傑而德息味嶽里教養而益志八鄉派之紳士具

其人也寵其心也汪素行也方本性也剛幼能繼述以克業

長則慶衍以裕昌遇紛紜不介於寸掬泛醇醪不困于斗觴
偕本族解紛而訟息和鄰里釋憂而忿忘乃鄉邦之傑士是
斯世之英良不能枚舉誦德聊將俚語綴彰

眷弟蔣其閣拜撰

○又贊


能灼利害之源能辨忠邪之人不使有毫忽之藏斯世所不
能及也

○貫百三十公贊

南極流耀蜚聲巽序玉樹遶庭錢燈媲美

○周氏贊

光設悅羅劉佛彷彿介福受矣慶萱堂無成有終食舊德章美



內含月幾望

○貫百四十八公贊

庠生鄭汝賓拜贈

○貫百三十三公贊

勤儉操家樸實無華視聽言動非禮勿由驕奢淫佚纖毫不
染造房置產家業亨隆交朋接友禮義周旋秉彜忠厚實堪
欣羨

分水俞德昌撰

○貫三十五公贊

世且素爾吏隱山中有白雲待携以贈君幾而世書亦列于

宜長爾以事父稱孝... 愚山氏倪一膺題

○又贊三十五公贊

輕財重義為孟嘗君之亞排難解紛有魯仲連之風

姪得彥拜

○貫百三十七公贊

宜兄弟以事父母克勤儉以致亨隆練達世故敏給疏通抱
老成之長慮濟緩急之困窮不營而殖弗勞而功書香啟子
共仰高風

○又贊

立身行己爾無間然和以處眾莫之或怨矜以持己罔談彼
短劊制功烈賁於圻園無榮無辱見善則遷讚之於譜永世
勿諉

○貫百三十八公贊
邑庠省弟鄭忠卿拜撰

○貫百四十公贊

紙為良田筆為鋤耒靈心為穀種書史為園林歌頌為鼓吹

訓述爲功業記問爲積蓄言行爲師友噫吾輩萬古尼父爲

宗主

○貫百四十三公贊

德性純華萼芬琴瑟調願耆英快哉學也玉室門

劣兄日東撰

○貫百五十一公贊

秉性穎異潛心好學能文章爲人剛正卓犖不羣慷慨有大

志惜未就而卒

○附贊

秀未好刈何早爾好學修文召惜歎惜歎千年歎

○節婦張母贊

栢有心竺有筠玉爲骨水爲神冰雪作心肝可剖與良人陶

孟至今存何負乎將門

服回氏倪一膺題贈

○貫百五十六公贊


練於事優乎識淵涵莫京清不滑公無狗賢勞績熙文燦於
學武經以智守貞不感華樸並宜履豐泰而困危是恤御內
外而雍肅自持磊落之槩諒直之遺

邑庠宗弟詩拜撰

○又贊

公之為入謙讓方正繼承先業充拓更新庸德之行庸言之
謹優於書數邑舉公正宜力效勞丈量甚明振綱肅紀彞倫
克盡姿性恬靜類萃不群兼此盛德必為世英

邑庠曹彥榮拜贈



○貫百六十二公贊

敦敏之性雅實之風力本自殖豐而益豐繼志善矣處家宜
焉世囂不染履禮無愆允爲三代之眞質歟

庠生眷弟鄭汝賓拜撰


又贊

賦性聰異諳於文義存心無疚出入莫欺不伎不求端躬肅
紀紹承前業恢圖擴基涇渭分明處世咸宜謙卑遜順動容
中禮贊譜牒爲世所式

庠生曹彥榮題贈

○贊百五十六公贊

贊



中斷贊語難為世祖先

除跡神前業則圖難基強器及即與世與宜蕭單級則博容

知抄難異情感交難存心無底出入莫烘不劫不來誠源難

又贊

○又贊

公之為人難求乃此... 贊

無世難不樂難難無意此為三乃大真贊故換新... 贊

難難之難難實之風代本自難難而益難難志善矣... 贊

○贊百六十二公贊

贊

○美三公贊

公之處世無貳無虞公舉鄉保與心協輸事親無違家庭善
御欽哉守成翹興後裔

○美十二公贊

幼習詩書不售弱冠簫曹優游循守考績擬仕無柰彼蒼少
佑擴充先業潰腹承休信哉善人不顯其後


姪希德拜

○美十五公贊

魁梧形睿喆人學淵深詞流新遊黌門而冠羣英噫使後裔
瞻仰矜式也是稱

門生蔣其閣頓首拜撰

○又贊



博洽經史選入黌宮汪洋氣度雍睦家風訥言敏行好義執
中三畏存心四勿持躬噫公雖未登廊廟而展致君澤民之
器實為儒林之芳型也歟

○美廿九公贊

天性溫和言行相顧善事親長和睦鄉鄰有才不露有能不
誇日出而作日入而息常知歡娛無甚憂愁克勤克儉為世
淳良

○美十二公贊


通家侍教生分水俞希鼎拜贈

○美五十三公贊

爾平生常知足性溫良無榮辱本意忘情于利祿

○美二公贊

弟日東撰



○美六十八公贊

性直無隱言行有良描祖設祀洵可贊揚

○美七十一公小傳

族兄如端者少未學問長而孝悌至中年緣父病劇竭力醬
救傾其囊產不少靳惜自是遂甘清苦不唯無怨悔之心抑
且深追慕之思非篤於愛親者而能若是乎且也娶祝氏優
於婦德事舅姑以孝聞及姑病將革欲代死而無從乃操刀
割股肉以救之在男子聞斯言且有悸心者而况婦人而能
爲之乎斯足稱矣嗟々夫爲孝子婦爲順媳一門兩孝世不
多見余切景慕之而未能也至其子希造長亦順親而且生
財有道仍復家給食足天之報施善人豈不足徵也哉於是

乎識

弟德彥書

○美七十七公贊

一生克勤克儉而成業雙親未能終養而先卒嗚戲幸得婦
意而繼姪後裔存祀永無缺

劣叔日哲贈


○美七十八公贊

狀貌蒼古秉性醇良克勤克儉操家道于殷實質言質行置
理亂于不聞安人唐氏溫和淑德躬勤績紡助夫立業三子
成人其創守之艱有足法焉者

庠生宗侄隆義謹撰

○美八十四公贊

天姿敏儒術懋修秉性直彝倫克盡設教于他方縉紳相敬
閑居於閭井族黨共和允達德之士歛



愛弟俞希鼎贈

○美九十一公贊

言中信行篤敬無是無非治家勤衣食足無榮無辱

劣叔日哲贈

○美九十八公贊

知公資剛直無隱 國初效任 道寵父沒退隱耕耘侵晨

飲盧仝之苦茗薄暮效劉伶之解醒教子仿燕山之義方傳
家慕温公之遺訓重義輕財拔類超群

從姪希德拜撰

○美百八公贊

天性剛方作事果決歷盡艱難勤儉稼穡既擴田園復置宮
室課四子以農桑益大基業淑配安人錢氏同偕白髮誠中

興自立者乎

○美百十公贊

畫村氏倪一膺贊曰

嗟也孝孫血點金滕重瞳之後昆

吾兄性剛烈自少好學覽古忠孝之事未嘗不忻慕焉至順

治乙酉兄年方一十八歲因父病兄乃焚香告天割股食之

而愈迨康熙乙巳母病劇兄不帶解不寢卧者四旬知不可

藥救乃齧指出血寫疏往輪巖祈禱請以身代若兄者真純


孝人也彥每嘆為不可及多自愧焉故服回氏曰嗟也孝孫

云也者蓋言無忝于大孝之後也噫兄真無忝于大孝之後

也贊之宜矣

得彥謹識

邑庠弟隆義撰



○美百十一公贊

素行光明立心正直待人一以禮讓奉親克盡其孝誼處昆
季之有七而務理惟一心課晴問雨于南畝而治亂不與聞
娶安人盛氏一子希憲克繩祖武操持足法亦可傳云

○美百十七公贊

歷記處世心能應物存乎心行乎禮雖賢之不及耶

劣叔哲撰

又贊

和以處眾敬以持身能方能圓克勤克儉怡怡自適藹藹可
親義交族黨禮接親朋鄉之善士國之宜賓介爾眉壽翁之

餘慶

○美百廿四公贊

小侄隆義讚

觀山石陝口宗譜卷之二
○美百廿一公贊

平生重義奮不顧身既多伎倆亦此精神善言而辨能屈方
伸處事有方歸樸抱真郡君縣侯給帖標名約束一鄉邪正
能分八秩壽翁閒樂一生交迎好友莫不稱心

小弟倪一膺拜

○美百廿三公贊

吾兄性忠孝喜讀書好益友爲人剛介不苟蘊直不阿激濁
揚清各得其當此大槩也余不文不能爲言以頌之惟得昔
人贈包孝肅詩云秀幹終成棟精鋼不作釣予于吾兄亦云
弟得彪書

○美百廿四公贊

狀貌端嚴稟性剛直事雙親承顏順志處昆季謙和友誼居

家以嚴待人以信凡宗族有雀角難釋者必委曲以排解之
人有事情掣肘者必籌畫以調護之是以 邑侯毛公命爲
保障奉公勤勞鄉里咸賴以安全配安人楊氏賢淑齊眉產
二男長希文次希仁佐父而立成家業壽踰古稀尤其矍鑠
此亦世族中之傑類也乎

愚姪隆義撰

○美百廿八公贊

爲人厚樸作事勤敏其爲子也孝於親其處族也敬於尊恭
兄友弟和穆敦倫務業稼穡謹慎淑身承先啟後惟公之蔭
安人李氏柔婉相君二子克昌必有善應

以壽域其孫與夫哲人早喪安人猶慰其小侄隆義撰

○美百三十四公贊

丰姿秀雅氣度端莊慷慨著于鄉里孝友篤于天良天不假
以壽延長群嘆夫哲人早喪安人節操擬柏舟慇懃其肯奉
高堂幼子成名讀書香已足徵末後流芳


邑庠姪隆義謹識

○美百五十三公贊
端方者公之體正直者公之行氣度既以恢宏襟懷尤其灑
落剖斷事理童叟敬諾孝友兼優子孫克肇允矣當時之傑
品展也隣里之超拔

小侄隆義撰

○美百五十六公贊

休也者其度浩浩者其心仁風著乎家庭可愛可親禮義及
於鄉鄰足羨足欽無澆漓之習無撻昧之私言不輕發中乎



事機行不妄爲合乎情誼信乎懷義之君子惜哉天奪其遐
齡宜後裔之克振繩其子孫

小侄隆義撰

○美百六十二公贊

林泉之側隱逸之鄉不詢天下事不問及王章惟識敦倫紀
但知有義方信即行直道秉性自然剛鄉曲滿羣倫翹楚異
衆長循之遵父訓棠棣自芬芳德種宜男草階畔列成行雨
滋露更潤迢遞布馨香舉案眉自齊仰事慶慈堂封中震爲
美家業因而昌唾手探功名耽志玩文房覈真擊節賞非是
濫稱揚

○安人倪氏贊


千乘之女太坵之婦言謹而約性柔而和中饋整潔克孝克

慈宜子孫之繩之而家慶有餘

本邑廩庠通家眷弟文溪樓雲拜撰

○美百六十九公贊

其言謹訥其行端方衣冠儒雅舉止有常其事椿萱也則菽
水以承歡其遇親黨也則揖讓以周詳其待知交也則始終
以敬禮其愛昆玉也則和融而鴈行况承先志以工制藝將
扶澤雲表以翱翔而今暫如其願也乃釋褐以入宮墻後游
藝以晰青烏則辨地理之毫芒且解紛以排世難能厭服衆
心之所望桂叢也而蘭密也自然羅列而葩揚是天之報施
善人者皆由於懿德之昌而燕翼貽謀宜建塾以續書香余
叨知已之列亦與其有榮光



○吳氏安人贊

育於延陵之族而爲豫章之媳不以治容誨淫而以節儉居
室璋瓦弄而階下森々淡泊甘而房中實々此婦德之修而
無毫差忒

本邑廩庠通家眷弟文溪樓澧拜撰

○美九外祖翁贊


貌偉而豐德劭而隆處已溫厚涉世謙恭予治克紹繼述堪
宗遐邇咸戴鄉黨尊崇噫翁之素履無咎豈不爲斯世之芳
規者歟

○美九外祖母二位唐氏唐氏安人贊

毓秀香閨相攸巨族容貌咸端德性式毅舅姑克孝妯娌能
睦外羨奇邁內助雙玉噫姑之繩武于歸豈不爲母儀之懿

範者歟

甥蔣興崇盥手拜撰



○美武代馬... 人贊

張香煥

宗... 無... 世...

際... 世... 各...

○美武代馬...

本邑... 家...

此... 世...

事... 世...

和... 世...

○美武代馬...

○美十二公傳

美十二公諱得完字如成號在廷貫二兩公之三子也體貌
豐偉心懷愷悌家享膏腴而泯傲慢之氣望尊山斗而存謙
冲之度才畧宏遠壯志未酬曾爲刀筆而步蕭曹之故例兼
晰案牘而效於公之陰隲年將耆褻未叶熊羆之夢廣拓福
田深培善地造圮砌途廣利行人之便建祠修刹敬奉神靈
之謐施仁布惠而陽德昌隆捐資賑乏而陰功繁浩下咸黔
黎頌聲戴道上格穹蒼瑞氣鍾庭爰是玉燕投懷石麟降孕
預賜夢蘭之兆感錫掌珠之慶實乃公之德劭而厚貺也配
許氏如夫人張氏生一子諱希灝字可素號崑毓蹇未降生
而嚴君先逝幸賴庇佑而寡母力鞠幼性聰靈態度卓異廣
覽經史務盡孝弟比及成人而其謙虛可挹涉務而又溫厚

可矜仁敷里閭義洽鄉邦此非待上及下之全懿者哉配倪
 氏結髮緣慳棄藁砧而傾逝生二子諱守洪守澄者續娶方
 氏淑性徽德婦模足範生二子諱守淳守源長幼歡集儀表
 清奇何異于燕山之兒與龍駒鳳雛之儔則異日跨竈克繩
 祖武詎不可預驗也乎隣族僉曰廷翁德劭故能獲此蘭桂
 之芳郁雖則矍鑠而不能親覩弄璋以懸弧但遺腹之賢郎
 尚能展抒經濟擴充基業洵宗哲克紹箕裘而猶稱幹蠱者
 矣翁雖居樂坵而芳名奕世無涯矣始信福之不可不作善
 不可不為也真耶非耶

郡庠眷生倪一貫拜撰

美十二公歸...

美十二公歸...

○美百五公傳

公諱得佳字如美貫百廿七公之長子也爲人敦樸忠厚存
必日事田疇不聞理亂課桑麻問晴雨早出暮歸惟以稼穡
爲事孝養雙親友愛諸弟怡然無一語愠色之加恭以持
已謙以處世藹然有和風睦俗之態殆所謂醇謹之君子
良善以貽謀者配安人倪氏生二子長希發不獲壽終幼希
葵勤儉持家中流獨立將來振家聲而綿後裔者其人乎今
修家乘不揣愚陋而於公之行誼畧傳其梗槩云

昔


康熙辛卯仲冬之吉

族孫永宏拜撰

○行美百十陳公諱得奇傳

同里汝英公予之太姑丈也少年治舉子業嘗欲馳騁一世不可羈勒顧高瞻遐矚落匕自喜卒之不諧時好無所成就壯歲憤習吏事托身刀筆自比蕭曹欲籍之為出身計前兩浙總制李公諱之芳者雅器重之謂其才可媿劉秉忠非虛美也公好議論善風采鬚眉若神作為詩古文詞雅健有風骨而尤精于入法張旭草聖無以過之家藏古籍頗多且讀且批動中要害雖其著作寥匕不槩見今觀其所讀書即一鈎一畫猶能曲匕傳出古人精神命脉千古隻眼非有學識者能之乎惜乎公之蘊釀深厚不及著見于世徒使其抑鬱終老也然里閭間每遇大難大紛輟排解之一言之下宏濟斯人不少抑亦足以覘公之才與學矣安人唐氏端良淑慎

閑有家相夫子成內助之賢非所謂天立厥配者歟先哲



有言曰明德之後必有達人不在其身必在其子孫予于公之裔嗣有厚望焉

告

乾隆十九年歲次仲冬之吉

眷內姪孫唐

華頓首拜撰

○行美百十七公傳

語云居之安平爲福然曠觀于世甚難其人矣孰有吾宗伯諱得英字如標者秉性醇良素行克端謙恭遜慎未嘗以言色加人義方是訓居恒以禮讓自守而且忘情于世每托釣弋以娛其懷志在邱園嘗課耕耨以寄其願古貌古心曰勤曰儉優游自得何快如之至若萋斐之浮塵纖毫不染公庭之嚴經全不與聞晉接往來者善類動止作爲者善事德可

以維風行足以勵俗故邑侯 遲公聞其德行舉為鄉約以
 束一方僉為秉鐸以正風化積貯倉廩以備飢荒而公奉勞
 王事勤慎無私由是聲名愈著屢錫旌獎蓋所以美其德而
 表其行也迨其暮景閱古書戲圍局觀魚看花以適其性此
 真鄉之善士太邱之裔也壽享八十有二飄然仙往初配安
 人倪氏賢能舉一子諱希旭繼娶張氏亦產一子諱希暹厥
 孫守玉守璉守環守琢俱聰敏非凡振興家道者皆公忠厚
 之貽謀積德之所致也然居安平福在世則為難在公則甚
 易耳余因先父契交雖筆秃無文安敢不述其盛德以示不
 朽云

康熙歲次辛卯葭月

小侄庠生隆義沐手拜撰

美百三十四公安人倪氏傳

從來忠孝節義四者爲吾人立身之大端固不易全而亦不可不全者也至於貞節之操屬於閨闈尤其所難焉者苟能克全其節雖未能顯於朝廷以褒揚旌獎亦當叙其平生載之家乘以昭示於來茲俾後之子孫知所考焉如倪氏適吾宗伯也諱得純字汝璋而公之體貌俊雅才德兼裕而伯母更柔婉貞節勵行端莊勤儉克家允執婦道撫鬻諸子妯娌和順正期乾坤之永鎮不意所天之中別時年止二十有七育三男而伯仲纔離襁褓季兒尙未甫週俱養成人教以詩書廸以禮義操持之苦冰雪之心皆爲凡婦之所不可及者其長男諱希炳克繩祖武次希煒誠樸敦厚幼希煜英姿超拔聲揚國學此皆姆訓淑嘉之所致也而且事姑之道尤

為盡美姑年八旬每飲食必備物以盡誠或遇有疾湯藥必
親嘗而始進朝夕侍立衣帶不解疾愈乃歡此孝敬之心承
順之德彰之耳目良足欣羨矣由是人問其子之象賢則曰
倪氏之義方人問其家聲之不振則曰倪氏之操持而且蘭
孫郁之英秀躋之聞其風者共仰其為賢母不置云余雖同
宗與其季男有垂髮之交同窻之友也之母即吾之母也特
愧不能盡述其生平看其履歷第念其節之所在雖未為國
史之增光而實為家乘之生色也乎故為之序

康熙歲次辛卯臘月

邑庠小侄隆義拜撰

道光六年歲次丙戌春月

元孫庠生昭亨曾孫庠生宏三


并全合邑紳士申報

邑侯方公詳

大部請

旨給坊旌獎匾額

松柏長青



○美百三十六公傳

公諱得瑞字汝躬貫百五十六之長子也品格卓異姿性天然作事循規蹈矩持身立紀扶綱勿習詩書而通明達禮壯涉世務而見機允當言辭侃直固無失於人氣量剛方而不可奪其志若夫剖明物理勸處輿情而一時咸服其公此其才猷之彰之可見者然而孝於親友於弟尤篤於天性動靜周旋而中禮作止儀度以合容毋奢華而驕俗毋鄙吝以流風曰勤曰儉擴先緒以振家聲是則是訓課子姪以義方此又德量之在之可考者噫人能致此亦可謂世俗之所傑出者乎配安人徐氏德性溫良舉三子長曰希煥超達踴于爰竈次希芳幼希開皆能成立厥孫守仁守仕守傑守東守南振之繩也方興而未艾者皆公之貽模鴻遠有以致之也

新輯家譜余有同宗叔姪之好不揣鄙陋敢為數詞一叙其
大槩云耳

又贊

氣度剛肅體貌端嚴能料事之多中見機以明辨孝友盡子
職勤儉課後賢淑德佳配偶瓜瓞是綿

康熙歲辛卯一陽月

宗姪隆義拜撰



○美百四十九公安人仇氏傳

安人仇氏美百四十九得星公室也姿性柔婉旣夙嫻於姆
訓情懷貞摯實無媿乎坤儀孝奉公姑和協妯娌聿觀厥德
良足欣羨矣於歸之後力任勤儉凡所以相君者靡不曲當
其意柰年三十蹇遭星公去世舅姑亦相繼而亡焚之寡立
惟有七歲之遺孤諱希政字可仁遂以栢舟自矢紅紫不飾
於身玩麗不經於目凡家務之內外精粗以一身理之而成
宜美惡曲直之事情以一心察之而洞晰撫恤遺孤漸臻長
大擇明師而教之以詩書敬尊長而深明乎婦道勤儉之志
無分於晝夜操持之節嚴比乎秋霜爰是家聲丕振基業培
增肯堂肯構而燕翼貽謀以安以妥而置買佳城由是人々
咸頌之曰賢哉寡母誠閨闈之儀型婦德之最著者宜其長

享遐齡於不替也夫何天奪其子之速以壯年而數殞奇此
氏之所以痛悼於心遂染疾於不起耳時年享壽六十有三
矣嗚乎何天不祐此貞節之人乎然而天正祐此貞節之人
乎何也觀其厥孫守文俊秀非凡將來繩祖武而紹基業者
殆其人歟今修家乘守文受業於余特請以贊因約畧數言
表揚其萬一俾後之子孫知所考焉

贊曰

格守堅志 冰玉無瑕 其情可憫 其節堪嘉 肅清訓子
勤儉不華 貞以勵俗 善以型家 天錫其後 永俾無涯

皆

康熙歲次辛卯年南呂月之吉

宗至邑庠隆義拜撰

○美百四十六公傳

公諱得仕字惟行系貫百廿七公之幼子也昆季有七而公居幼爲人渾厚心性坦易少習儒業而克敦乎禮讓壯行愷悌而推致夫慈祥處鄉黨則藹也然謙和而睦俗交親友則愍之然輕財以重義持身守分而無躁妄之體作事多能咸中規矩之宜不屑也于隴畝不急也以利圖惟笑傲於醇醪通澈于書數由是辛巳年編審大造合姓舉公爲書保清理册務毫無私曲能若是乎配安人倪氏淑德不獲以壽終產二男長希恭幼希會俱勤儉作家克紹基業蘭孫守性聰俊將來繩祖父而繼先澤者殆其人歟此皆公之積慶所致廉介之所得者今重輯家乘余素念其行履之端因約畧數辭以述其大概云

康熙歲次辛卯年季冬之望

小侄邑庠隆義拜撰

○美百四十九太公仇氏太母夫人合傳

太公諱得星字如燦號華山可仁公之父也自幼習舉業淡
功名孝友勤謹爲鄉邦所推重不幸不壽而早忘太母安人
仇氏年二十餘而寡沐刑于之化撫懷抱子敬公姑和妯娌
勤中饋歷久如一日迨舅喪姑亡竭哀盡禮不爽絲毫教子
成家守志不怠懿德溢郡邑 府主與以節壽特獎 縣尊
以堅守勵節表閭太母並無喜色惟汲匕以訓子携孫及懿
教孫女是務苟非深感太公生前修齊之德曷克臻此完美
乎晚而喪子致悲隕身全節遐邇無不墮泪太公生順治戊
子年三月廿五日卒於康熙丁巳年十一月廿八日壽今六

十有三太母生於順治丙戌年六月十一日卒於康熙戊子
年八月初一日壽今六十有六纓實瞻令德仰結絲羅云
康熙五十年歲次辛卯年冬十二月之吉

眷晚侍生蔣德纓頓首拜撰

○美百五十三公傳

公諱得斗字如南別號雙玉貫百四公之子也英姿穎悟賦
性超羣氣貌旣以魁偉胸襟尤覺豁如慷慨施與常具丈夫
之志濟弱扶危每見豪俠之風而且存心忠厚無澆薄之習
勤儉持家有饒裕之殷其孝雙親兮定省無間於晨夕其處
隣里兮謙和周濟而睦俗交友盡歡兮旣醉而酣斗排難釋
紛兮人人咸輸服義利必辨兮分毫無私慾才智生成兮詩
書常沐浴安人祝氏兮內則稱賢淑繼娶倪氏兮溫柔能克

助二子超拔今丕振家聲舊長希昂和諧宗族次希昂品度
敦厚蘭孫守瑞守彰俱總角岐嶷異日必能成器誇乃祖乃
父之寵而過之者可預卜也奈天靳公之年而阻于四十之
有三倘能越其紀則其周旋于鄉黨敢廸於後昆者良足多
也今輯家乘余不掩其固陋而於公之行誼傳述其大槩云

皆

康熙歲次辛卯年葭月

愚侄隆義敬撰

耆賓陳爾德公頌并序

吾鄉率多古處之士而

爾德陳親翁其最著焉者也公孝友天植撫育昆季遺孤卒
底于成晚叶熊羆之夢今且英七蜚聲藝林矣為先人卜兆

佳氣聿鍾將來瓜瓞綿乚曷其有量天之報施善人良不爽也家姪用仁辱公東坦余景公之德知公之深適公家乘告成雖不文其能已于贊頌耶


人誰無怙恃公之服勤二人也生殫其敬而歿竭其誠人皆有繼述公之克家亢宗也開前未有之業而裕後永祐之榮人多有昆季公之鴈行有序也值時命之變而全乎理道之經抑又有難焉者公之長育群孤也鄉邦咸羨諸君子之克肖公則退然若不知有前此之恩勤其守身也惴乚小心如臨淵如集木其與人也油乚和易月同其皎而風並其清揚人之美實出秉彝之好掩人之瑕如聞父母之名繼衣之宜兮無忝賓筵之薦齊眉昭慶兮更嘉蘭玉之森旣兼百福之求復集千祥之慶乚云其吉人所慕望而無從終焉允藏公

且委蛇而順應天保之祝以莫不興既醉之歌永錫祚胤豈
非人定天從德逾其命者歟

眷弟祝萬年頓首拜述

又傳贊

嘗想俗之頹也起于生質之被所侵而大壞於根本之不植
是以日流而即於世之華僞不知所反還願吾生之存而竟
不知所為矣伊維吾兄爾德者本天之質物不能入行吾所
行世莫能沾惟是謹先王之教率人於本務修聖賢之傳澤
深于孝弟與輪出構吉叶熊蛇仰事無不盡之誠俯育悉義
方之訓以兄弟一體也豈有異業殊爨不得已也是以兄弟
叔姪作息起居但以天見歲時伏臘祭祀飲食悉以天心人
情不得而間真性日接以流量淵宏交在誠排難解紛意摯



言信恤孤貧利不苟爲謀盡忠天植醇厚內雍乚而外肅乚
其古之所爲天民者與本之在天與在人蘊而日深何可限
量家愈殷而愈謙美日積而愈嘉洵可云齒與德兼者也是
以聲名克溢于鄉邑德行光顯於賓興夫子曰吾有所試豈
虛譽哉

贊曰

源深則温土厚不溢溶乚日流光浮蒼碧萬有時呈元冥我
拭吾不知其深厚之所界矣

邑庠眷弟鄭汝賓頓首拜撰

王氏祝氏贊

賢其婦者稱以宜戒其女者勗以順處室家之內於敬戒無
違之道守之能勿諉者卽德也故彰之爲上下內外妯娌安

和恬適咸相宜無戾者其庶幾難得者乎是可云內助矣若
爾德兄尊嫂王姓祝姓者一禮其下以寬和一禮其上以敬
順二人同心治家似有斷金之誼歷聆其行誼順慈勤謹儉
惠周恤共爲撫訓子女雍雅馴慎非本其教之所自曷克臻
此乎予於其子有一日之長之誼不揣固陋爲表厥行焉

邑庠鄭汝賓拜書

爾中陳處士序

嘗聞有明德者必膺厚報第或有及身而見者或不於其身
而於其子孫者斯言信矣今如陳君爾中之爲人也幼岐嶷
長好學律身以嚴處家以和蓋自釋菜鼓篋熒匕藜火歷寒
暑不輟也原其意欲攀龍附鳳光顯門閭無何天不假年而
齋志以歿惜哉尤幸遺孤二人長得彥字公輔次得澤字如

沛彥學舉子業紹書香不替實其母張義方有教庶陳君爲
有後矣孫希純希伸希綬希約希綵希戊壻前玉立將見繩
匕濟匕陳君雖不能及身獲報而天之俾昌厥後良不虛耳
余於彥有一日長因知公之德慕公之風也是爲序

通家眷生倪一奇拜撰

○爾中陳處士小傳

爾中者名曰道小穎異骨格雋逸性剛介不與流俗伍其風
度侃如也蓋陳之先漢唐宋代有顯者其簪纓遞傳有祖父
書可讀也陳旣架富遺帖鄴侯之業謂足資鷄窠十年矣攷
攷不下幃以圖先賢考治無歿壽貳將終身焉以之無如跽
壽顏殤自古天道如是二十少年竟爾百年長夜天乎人耶

不禁玉折蘭摧之悲矣所幸冥漠有知襁褓中二子已出斬
然頭角書香足繼矣善有後信矣哉俯仰今昔三十餘年來
荆花並茂藹然可風今有二芳受訓庭闈不殞先德又得萱
慈冰心玉壺嗟乎陳子雖慘綠委黃土而鬢始蒼豈無拱
木家聲隆隆起不亦怡然瞑目而無遺憾也哉今昆季伯字
公輔仲字如沛者與余總角交雖嚶鳴而切鶴鴿之誼焉提
刀授予乃得因言而序之雖然是豈足爲陳子多乎夫固有
因言而志戚者長沙以蓬鵬自廣昌谷以一毛中悲若陳子
何尤乎天倘有言把酒一卮予將呼蒼七而問之

皆

康熙丙午桂月

玉屏倪朝琛拜書

○公輔陳世兄傳


君諱德彥字公輔自號其齋爲二樂蓋亦有所感也爲人孝友豪俠慷慨好施其慈親卧病三年餘衣不解帶奉侍湯藥晨昏無怠卽其飲食亦視母病之輕重爲增減及讀禮之際哭泣哀毀異於常人母逝世數十年後每對親友言及輒悽愴揮深他人亦爲之感動歛歎欲絕也嘗從予先君貞虛公遊畏敬如嚴君而芸窻攻苦多歷年所未遂大志及恩例捐輸入泮而家計耗矣由是憤鬱於中一腔浩氣未得登太華而吐之也故每歲之中病者居半愈者居半病則卧於小樓之榻非問不答戶外不踐僅以書史自娛其得意處持杯相賞拍案叫絕及愈之時行遊親黨家變服佩劍執鞭挾彈奔馳歌嘯旁若無人惟見先君與伯德翁則寂聲拱立敬禮平

時是其幽襟洒落雖濁酒頻澆而難禁故為此玩世之態以
 消其不平翻其愁結耳嗚呼君之孝義得於性天非若世人
 之矯飾而且好賢惡佞每為詭險之徒所嫉然其德優於文
 藝故衣冠之倫莫不敬之而羨其行義炳如世兄其難弟也
 自齠至皓首毫無間言今值鐫譜之時屬予立傳因書其大
 概云

友弟道韻倪朝權拜撰

康熙五十年陽月之吉

大... 其... 三... 不... 奉... 人...



○逸林居士陳翁傳併安人祝氏贊君

翁諱德彪字炳如逸林其號也從予叔松樓氏遊執經問難者有年芸窻苦志者多日無如家計務重欲代雙親之勞又乏棠棣之好遂棄學而豹隱焉且性至孝其萱親卧病未痊刲股入劑輒愈此其孝之感乎天也至壬午冬郡尊余公咨帖延爲鄉飲賓給匾旌揚致語云

伏以

養老重典風化所關鄉飲崇文政教攸繫敬禮惟孚乎一德褒嘉在振夫三綱實恩典之大端乃

聖王之首務今據本府儒學申報耆民陳德彪年六十五歲係浦江縣十一都人醇良諧俗孝友宜家砥行持躬旣廉隅之自飭待人接物亦渾璞之無欺頗推解於飢寒惠周姻黨施

錢粟於橋路澤及行人故諸孫綵舞於庭階且豕鬪聲隆於

庠序鄉評允協

國典宜彰是用薦揚以光肩席素望既重夫鄉評具瞻足型乎

郡邑敬以康熙四十二年十月初一日屢飭備饌奉迓台輝

執漿執醕謹擁篲於黌宮興仁興讓永表儀於蒸庶惟冀賁

臨聿光 盛典 康熙四十二年九月日金華府余世昌具

府學 費嘉興 王爾建 同亟敦請翁娶祝氏生丈夫子三諸孫十餘人


斷絃之時將世守之業均付之不以一絲一粟自累優游林

泉逍遙塵俗之外此人中仙也且其言必中節行實端方不

求誦讀之名而暗合聖賢之旨不飾虛譽之事而識超世情

之外是品似之清直非庸凡之可擬乃更為贊之其辭曰

人之立品貴在於真言與行符表裏相因屈指而數鮮覩其



人是惟我翁超出風塵孝友於家敬施於賓盎然而待鄉黨
行義推仁優游而居田里融以嬉春閱詩書而悟性理之學
靜裡窮神讀青鳥而探山水之奇極口津以逍遙華堂花木
循以桂馨蘭馥撫玩數巡安享晚節五福咸臻既云足矣日
用維新

安人祝氏贊

聞之坤德宜於柔順婦道貴乎肅雍維若人兮裔出名宗行
浮於言德充於容親滌濯之必敬羞簋簋而必恭相夫承以
貞順字下飭其驕慵植桂則加以培漑護蘭每愛其香濃欵
賓客之滿座亦雞黍之必供常娛情於家燕酌葡萄兮金鍾
卜其筭之綿亘咸謂老鶴而巢松忽青鳥之來迎入冥以之
城曰芙蓉

皆

康熙五十年昭陽單闕葭月之吉

道韻倪朝璿拜撰

逸林居士美百四十五公傳

公諱得彪字炳如號逸林貫百七公之子也公之品高林縱
壑笑傲乾坤公之德率諸天性謙讓溫醇公之材扶危濟困
排難釋紛姿稟清朗超拔羣倫既非混俗者比亦非矯俗者
流他如置書齋而延登師友肯堂構以燕翼貽謀辟田園以
拓先緒推惠澤以廣周濟精研於洪範適意於山川涉世之
識趣獨詳肄學之謹敏有餘此皆無須贅語者而其孝事雙
闈不第奉養之無虧抑且承顏而順志友愛諸昆雖非同胞

之義而有同德之誼持身守已凜凜乎如淵如冰存心處事
競上焉彌揚彌省仁風洽于遐邇孝義著乎鄉隣因是郡

尊余公探賔咨帖鄉飲薦延於上席給匾旌獎以光

盛典噫偉哉斯舉以彰斯德歟淑配安人祝氏孝於姑而相
其夫純良性而溫柔能才裕閨中德優閭閻產三鳳訓以義
方課以學業故長男希謙弱冠遊庠蜚聲黌序次希訥品度
俊雅力紹箕裘幼希諫才智出衆忝入泮宮更美厥孫躋上
蘭桂芳菲異日聳壑昂霄不蔡可期若夫遡本尋源有是父
應有是子修于身必齊于家而其標格絕倫言成世範動爲
時則者是公之品行素著也家聲丕振光前垂後介壽眉期
者是公之福履宜康也今輯家乘余於公爲同宗叔姪兼有
瓜葛之親因不辭荒陋而於公之盛德刻銘于譜云

其銘曰

公之生也嵩岳鍾靈公之品也儀度端型養志東山逸行優


倫齒高德厚鄉邦推尊桂光翩匕滿腹經綸蘭孫濟匕丕振

家聲嗟哉斯世人孰與京余銘在石永世攸聞

皆

康熙歲次辛卯年季冬之朔

小侄邑庠隆義頓首敬撰



○恒二公傳

恒二公諱希德字可達號復初美三公之次子也資性聰敏
功力宏深氣度文雅品懿端方素肄儒業而才儲八斗學富
五車正期奮志鵬程大展濟世安民之畧詎知遭時不偶明
珠淪落自甘遯迹林泉埋名鄭圃宗軒岐之術而曾飲上池
效隸首之法而畢鑿纖細兼推西席設絳帳而桃李並入門
墻登臯比而苜蓿無長欄杆噫公之才優德劭而不獲登庸
豈無怨尤也哉昔馮唐有安邦之志一生未遇李廣有射虎
之威到老無封以此較之何怨何尤公亦可以少慰矣配朱
氏續娶季氏德性純粹毫無嫉妬之心坤助賢慧連叶夢蘭
之兆如夫人童氏謙恭承順安分服勞生二子長諱守念字
嘉悅幼諱守思字嘉位穉年弱貧聰俊超類勤儉營家孝弟

足稱公之老蚌生珠正彼蒼報公之德厚也

併附贈復初公濟世陰德俚句一律

衛生轉死妙通神濟急扶危秘術真三部脉占心腹患一囊

藥貯太和春杏林花滿陰功積橘井泉香盛德新人報不如

天報厚蘭桂庭除奕世馨

邵庠眷生倪一貫拜撰

族譜不修久矣衆多因循忽之獨可達以老年首建此議因


而成事此一節誠有功於祖宗也如其冠古冠服古服讀古

書說古話又儼然古人也歟

又自贊

弱老自評貧居率性術衍岐黃書弄猶人奉親脛腕浴家頗

謹言拙運否財希資身興修宗譜分派溯源垂望後裔孝義



繩承

○恒廿三公小傳

今人卽有一節可取者未必不斷喪其本性也便造成完人亦費許多學問矣未有如希輅者自孩提至老毫無巧僞渾然天真富貴無欲哩亂不聞衣短褐居蓬室疏食當肉安步當車俞也然將以終其天年莊子云知天樂者無天怨無人非無物累無鬼責其斯人之謂乎惜貧而未學人多怨之余不勝其嗟嘆云

愚叔邑庠生得彥撰

○恒廿八公贊

爾有才優於書從幼喪父自立成家

聖旨行清丈秉公執事邑尊舉保長冊籍詳明父在未完之業

一一皆能力勉可謂忠孝顯績者矣讚之於譜咸曰當然

分水愛弟俞希鼎贈

○恒五十一公贊

人情澆薄甚矣而欲免於此時者非諧俗和光之輩不能以遺腹之子長而讀書學老子退步法與世浮沉隨波上下油匕然與人無忤故人亦不之非是豈鄉原之媚世乎實乃下惠之遺風也若也琴瑟克諧好客多風爲人謀竭盡其忠擔譜事而不自居其功蓋亦可羨也哉

叔得彥贊

○恒六十三公贊

可賦詰于余曰我以一介貧士而爲守錢虜所輕欲作柔媚態以悅人柰我性韞直身無媚骨將何如其免俗也余曰惡

是何言歟學者自有向上工夫彼酒囊飯袋烏識士之貴哉
誠如俗見則顏原不及石王多矣然何以千百世而下唯知
尊顏原而卑石王也顧人之修爲何如耳今子正在可畏之
時而讀書好學篤志修齊異日之造詣未可量也卽彼輩重
汝而子不重彼輩輕汝而子不輕彼輩烏足爲子之重輕哉
余不文不能預爲贊詞惟俟之後日之成就而爲君子儒是
予之望也

邑庠叔得彥贊

附贊

春風化絳帳和覺後先開來往謂非君子儒哉况素能存厚
達禮於寡過惺非之時持躬退讓而不踰規矩之日故三多
有祝五福有賡優游盤澗以樂古希年

康熙五十年歲次辛卯冬月

邑庠門生益友撰


又贊

稟性敦厚賦質英奇幼習儒業而通經博史壯行振鐸而啟
迪多功事雙親定省承歡盡養志之道處昆季皓首無間有
同被之風坦夷者其心光明者其度耿介正直者其行樂善
忘憂者其德噫誠所謂鄉都之大雅宗族之老成宜其令子
賢孫之衍慶天錫福壽於遐齡

邑庠宗姪隆義撰

○恒六十四公贊

爲人誠樸言必副裏而制行惟謹尤篤于天倫友於昆季在
鄉黨則恂也然與人交則愨也然蓋其畀以自牧和以處衆



誠所謂忠厚之君子也配安人吳氏賢能生二男長守朋幼
守和勤儉持家克繩先緒孫承有承發永旺英異特達將來
紹箕裘而丕振者皆其積厚之所致也

邑庠弟隆義撰

○恒七十九公贊

爲人誠樸忠厚存心言不妄發行不苟爲居家庭惟以勤儉
自持而致豐亨之殷裕處鄉黨一以謙和緝睦而得歡愉之
聲聞誠當今之良善三代之遺民配安人馬氏多賢克助基
業令子特拔承志箕裘信乎積善之家必有餘慶良不誣也

邑庠宗弟隆義撰

○恒九十二公贊

吾姪希挺與吾兒希統均佳兒也希挺習舉子業儻有才

豈識過人希統資性穎異丰度不凡所望二子必興吾門何
期玉折蘭摧一年俱見耶嗚呼惜哉追思祖宗累世積德卽
我兄弟亦不敢爲非何致二子不壽豈蹈壽類歿自古有然
歟此吾不得而知也唯長太息已矣

得彥識

○恒百八公贊

狀貌端莊秉性溫裕事嚴親承顏順志處昆季藹然和氣待
繼母以竭誠居鄉黨以遜弟胡天不祐此善人童叟咸推其
信義安人節操自堅持三槐挺秀家聲丕

宗弟隆義撰

○恒廿一公傳

歲辛卯仲冬既望余於省城應試歸謁諸親友至君大處言

及纂修譜事追念祖公創置之艱曰吾輩獲衣食而安居者
皆祖之賜也願請一言以贊之余頗應諾雖姿魯詎可推委
試以平生之行誼而畧誌之公諱希時字可成者秉性謹厚
作事多能恭以持己敬以待人友於兄孝於親居鄉黨恂也
然與人以無諍處隣里藹也然好施而不吝蓋其謙以自牧
和以處衆者矣而其稚吾固不知方其壯行操爲籌畫之善
人有不可及歷盡艱難創基業於式擴經畫營謀建棟宇於
聿新而且欵遇親友必極其歡而始快見有文學輒思慕而
欣羨之延請明師教子以詩書幼男守裕屢試正期奮翅鵬
程孰意半途而殞於是課農桑問稼穡督以勤儉勞以筋節
致家聲丕振而貫朽粟陳肯堂肯構而燕翼貽謀然雖家道
殷裕而無驕吝之風器服樸素而無奢靡之習誠光前垂後

之人配倪氏安人淑性溫柔克助內闈不幸於甲寅年鄰寇
告驚亡之成疾而亡育四男長守興次守旺守發守裕俱能
翼父志以繼箕裘而其晚弄孫自若優游自處享壽八十有
三矣美矣福壽兩全者其人歟觀其厥孫郁也躋也英俊如
永宏字君大者遊入泮宮豈非公之醇厚所積烏能致之余
是傳其平生之行誼銘于家乘俾後之子孫知所鑑焉

康熙五十年歲次孟冬之吉

弟邑庠隆義拜撰

恒廿一公傳

恒廿一公諱希時字可成美九公之四子也胸襟慈惠體

貌魁岸處宗族而謙和待親戚而篤摯情孚遐邇義重鄉邦
孝道事親而心持恭敬義方訓子而志期高遠守本分以經

營貲饒家裕恢宏舊業雖未臻于紫標黃榜恍如太陽之升
扶桑而恩義博施芳聲揚播與日爲錢癖地癖者不大相逕
庭也哉配倪氏綠窻弱息奉箕箒于高門蝸廬罕訓供井臼
於華腴幸能拮据助理勤勞佐治內閫之職理亦固然所竭
盡者耳無容贅焉生四子長曰守興字嘉隆次曰守旺字嘉
美三曰守發字嘉起四曰守裕字嘉饒俱以少年英俊才貌
超乎儕伍咸羨爲象賢之嗣而後日之設施豈與庸碌者同
等倫哉公之德崇而才優如是故穹蒼之所以酬報于公者
亦如是纖毫之不爽也乎

郡庠眷生倪一貫拜撰

○恒百五十三公傳

親翁諱希政字可仁少喪嚴君又苦無兄弟依匕侍慈幃孺

慕出於天性長而一遵母訓治家務稍閒輒誦詩讀書才智
過人有直上青雲之槩克敦五倫九義所當爲無不悉舉且
克勤克儉故家業與學問齊增宗族鄉黨咸謂第見其進未
見其止無何年方三十有六一疾而亡嗚乎使彼蒼假翁以
年則率翁之性行翁之學盡翁之倫授翁之教纓不知四海
九州之溥受翁之澤爲何如也者而惜乎其偕顏氏子修文
於地下不獲踵望散後立大業於王廷也然翁雖故而然德
著人間膾炙人口興起人心卽謂翁終古不死也可是爲傳

皆

康熙五十年歲次辛卯仲冬之吉

眷侍教生蔣德纓頓首拜撰

○恒八十一公贊

醇慤存心奢華不事事父母克盡子職處昆季聲叶友誼見
善者思與齊見不善者趨而避平生之織非不染公庭之嚴
徑不處惟勤耕于隴畝惟經營于家事訓兒孫以禮義尤尊
賢而重傅配安人周氏賢淑產五男而孫郁七皆其忠厚積
德之所致也

邑庠宗弟隆義撰

○恒百十一公贊

我馨兒希統目秀眉清資性穎異年方九歲能通孝經知禮
讓不幸而殤余哭之慟友人見余悲憾不已乃作詩哭曰豈
戀箕裘裕後昆斷腸秋色怨黃昏不知何地能乾淚直是無
香可返魂帷帳空餘雙釧落重門愁見一弧存他年再慶熊

羸夢記得于今有玉痕

○恒百十八公贊


魁然其形婉焉其聲桂旣馥蘭將馨安然福內助明貌雖似
乎和光心豈類夫同塵然而諧其俗諒其心信其言服其誠
此亦沾先世之遺澤而始獲此醇厚之人

道韻倪瀛嶼撰

又贊

品格魁偉氣度端凝出言侃直才智生成周旋鄉黨和協親
隣追念祖德思致後允勸修譜牒媲美家聲孝心斯舉百世
攸存內則淑善令子森匕瓜瓞綿匕永錫遐齡

康熙五十年歲次辛卯冬月之吉



○可顯陳公傳

公德器深沉才情渾穆遇人接物一以謙退自守煦也然若不克見所長及臨大事或有關於風俗人心綱常倫理之處則慨然自任不移亦確然自信不惑誠隱德君子也公少失所怙事母以孝聞撫諸弟寬而節肅而惠性喜讀書日以此勸勉太學生韞玉公其幼弟也卒能學問文章卓然成古孰非公之陶成者厚歟嗚呼公之孝友蓋得諸天矣嘗見世之小有才小有德者輟詡也焉自矜以視公之有才而不以爲才有德而不以爲德者相去何如嗟乎此公之才與德之所以不可及也余生也晚不獲見公之行事今其嗣孫君韶者微言于余余故述所聞以誌之

幾經五堂書華題首我對

清劉皆武甲亥冬月之吉

乾隆十九年歲次甲戌冬月之吉

卷小姪子科舉人候選縣正堂唐華頓首拜撰

○可顯仁兄安人周氏贊


九齡失怙依倚萱親植立拮据業守基承撫愛諸弟漸臻長
成官耕宜讀成室成名孝養婉愉庭蘭茂榮得斯內助閨中
之英惜乎巾道舍夫而傾誓不續絃義報幽冥是固邁倫而
超眾豈等夫繼戶之民

康熙五十年歲次辛卯陽月之吉

道韻倪朝璫撰

又贊

貌雖瘦而心實肥秉性靈敏端行誼少年老成能家計壯以



禮讓睦鄰里事祖母承歡菽水奉萱親竭誠甘旨勉勵季弟
以成名義方訓子多拔萃詩云孝子不匱永錫爾類其斯之
謂歟安人周氏溫和淑德不幸巳亥年一疾而故享壽四十
有九產二男長守墀才能超衆幼守培品度恢宏將來振興
家道力紹箕裘者皆其孝義之所致也余因契交故錄數詞
以表翁之萬一云爾

辱愛弟隆義撰

公遺下祭田乙處土名壩坵計穀田三分正二房輪流耕種
永遠不許典賣

禮記卷之二十一

禮記卷之二十一



不登不特觀費凡其人

及世不谷田心德注俗勢

以未餘文萬一云爾而

家直以爲其年者皆其

亦止此也二其氣等與

謂煥其人則五盛味

且如谷幾大勝千多

不圓亦幾所談其律

禮記卷之二十一

○韞玉表伯傳

公諱錫字韞玉少年負奇氣治舉子業欲藉以騰跡膠序馳
駿一世酷好詩古文詞雅健有唐人風骨方弱冠時氣岸已
迥不猶人一日慨然曰大丈夫之欲有用於時其能事此拘
縛也者哉因舍業羈旅京師出所作詩古文詞徃來于公卿大
臣間一時公卿大臣交口贊譽之爭延至家禮以上賓以所
愛子弟就業焉故一時從遊後多列于上位而公則曰吾之
所以旅食京邸者志豈在是因捐太學生屢應順天鄉舉願
爲文和平淡雅時方好靡匕之聲而以太音投之其能入里
耳也哉雍正初特降

諭

旨延天下太學生在京畿者庭試以文親定甲乙於時拔取三十餘

人分用州縣此誠千古一時之遇也而公卒不得志豈非數
之奇哉因卷囊橐鬱北南歸而公固已老矣晚來壯志雖銷
逸興尤存日持一竿臨清流坐茂蔭下陶然自得好吟咏詩
律益細每於俯仰今昔間激昂慷慨或歌或泣令人不忍卒
讀足以知其身雖老而志尤在也余與公交雖晚而相知最
悉因爲叙其顛末壯公之志而憫公之不遇云

乾隆十九年歲次甲戌冬月之吉

不敏眷姓甲子科舉人候選縣正堂唐華頓首拜撰

公精鑄字識正少平負奇長奇舉于業於德以無補於世

○恒百廿二公贊

人之性而有剛好仁義之風念其祖思其後初有譜今乃修
順其親尊其長能和勸諭鄉鄰直而有禮乃仁德之心也再
不念其舊惡故怨是川希云爾

愚姑夫元公拜撰

又贊
氣度剛方心性嚴慄見機臨變發言忠直宗庭服其公斷鄰
里沐其勸息力敦孝友克承父志拓田園以光先緒置房宇
以垂後裔勇敢多作爲義方有訓誨內助柔和婉令子皆聰
慧族中之能人鄉評其傑士

宗弟隆義讚

其

其氣和也其性直也其養親而處友也亦見乎真誠况知機
有為是其智也敢言有能是其勇也智與勇人所難期弟不
能文謹以二字美焉

弟益友書

秉性剛直作事機關善於經營敏於勤儉無卑諂以媚世惟
直道以自待順父志而建造茶亭守規矩而非為不染此亦
公坦之品有能之才也宜人金氏內助克美舉一子守進聰
俊過人將來家聲可振裕後可繼焉

愚兄隆義撰

三益齋陳君泊孺人柳氏贊

尚東漢之蔭承清逸之風惜未遂乎科名而且聲高乎黌序

德異狎閭豫章足式行端已見於孝慈言忠實孚夫親友至
其性情超逸幽閒異凡花修草護魚種鳥孳寵辱不驚怡然
自足承家嚴肅仲郢和丸報國忠貞筆諫公權喬女循教不
媿名賢晨昏助候鷄鳴忘倦每事先承冢婦之罕宜其子也
繩匕孫也螿匕豈非先世之餘蔭因而綿流之長遠

康熙五十年辛卯季冬月

道韻倪朝權書

先生姿稟天樞品格超羣博通經史弱冠遊庠屢試優名棠
棣競秀蘭桂俊英孝友篤於天性禮義著乎鄉隣搯冢而等
陶朱運決而亞子房

門生永宏拜撰

○可輝陳道兄洎內子祝氏贊

維君挾秀士之資具通博之才交名友而闡發乎性情之真
誦聖經而神明於註疏之外左留右史長編短簡墨妙詩歌
琴棋簫管星歷堪輿蕭律廬扁靡勿精究無技可難是以不
屑域於鄉隅而乃壯遊夫皇都發軔太學比塲獨擅鵬翼方
搏圖南九萬攀龍附鳳拭目齊觀可立俟也奚庸卜焉然君
中年之居止長安久而桑梓暫設非內子之賢明則身居北
東而心在南胡以奉北堂而料家計成其名而字其男若是乎
豈非名家之苗裔而猥云內則之克嫻第其才雖長而性則
烈也氣雖果而心則坦也此固閨閣中之丈夫也初娶倪氏
千乘之裔無年勿亢天慳其緣數莫可遁

康熙五十年辛卯臘月之吉

友弟倪朝權撰

○恒百五十三公贊

貌挺容莊心靈氣爽幼失所怙能成立壯行所爲以平在周
旋族黨調和親戚遵母訓而承順兮克繩祖武追先靈之未
厝兮置塋安妥欲大展其所爲兮天靳其數宜人金石不磨
兮冰霜獨守撫子持家能幹兮恍如姑姆後裔英俊特達兮
承宗繼祖先德積厚不虧兮華封三祝

愚兄隆義撰

○恒百五十四公贊

方其少也丰儀秀整及其壯也歷練老成儉而中禮鋤而帶
經義誨厥子順事嚴親循分知止亭園潔新含觴獨賞聊樂
此生

道韻倪瀛璵撰

又贊

其於品也秀而揚其於度也柔而剛經史曾肄業禮貌必端
莊事親能養志訓子有義方昆季誠友愛宗族敦克讓箕裘
多克振書劍已家藏內則稱賢淑令子列成行棠棣爭先艷
蘭桂繞芬芳

康熙五十年辛卯陽月之吉

邑庠繼述齋隆義撰

○恒百五十六公贊

慷慨者其心灑落者其志揮霍者其才正直者其體欵待親
朋調和鄰里承父志而家聲丕振追先德而勸修譜牒允矣
當時之傑品信乎斯世之出類

愚兄隆義讚

○恒百五十八公贊

孝也恒德也庸行也自然之性也孝至割股奇也不出之秉
經誦讀之人而出之庸才農畝之輩故謂之奇也噫惜天不
以母壽委人子之心哉

無名氏識

○恒百六十公贊

肄經苦志夤序蜚聲且薄於世態敬以奉親豐於賓友儉以
持身鴈行有序謹訥恂匕家聲丕振日積月新

道韻倪瀛璣撰

○恒百六十一公贊

丰資雅致氣度端方作事存乎規矩處世立乎綱常幼習詩
書壯行禮讓宜人克助承基業森森蘭玉更增光


○恒百六十七岳雲公贊

士之為士立品宜真敬以持已寅畏其忱友必擇交匪類勿
 親搦管抽思文宗始正虛衷守靜學究傳薪言同金石始終
 不渝其淵懷行擬松筠清高豈流於好異事勿疎虞以處之
 物宜公恕以待之所以仰不愧而俯無怍體諸天而諒乎人
 且也林泉獨賞而逍遙有自在之行繼志承家而謙冲敦棠
 棣之情時慷慨以談忠義又能折衷其為人予將拭目以俟
 釋褐張鵬翹而搏太清

廩庠通家養弟文溪樓澣拜

○又贊

姿稟迥異穎悟尤聰克孝於親庭蘭茂榮友愛諸弟和氣雍
 雍禮接親朋揖讓謙冲善於繼志丕振家風潛心學業文藝



優通拭目齊觀附鳳攀龍

同宗邑庠隆義撰

○恒百七十一公贊

詩言張仲既孝且友凡事知足庭蘭獨秀第賢淑齊稱以宋
子而為耦朱絃倏斷柰明鏡而塵垢運入亨嘉祖德深而舊
基厚盛年得意文昌映而佳名就此立身之有資而豐隆可
決於後

道韻倪朝權拜撰

○恒七十三公贊

上承父兄下率諸弟以勤為本以疆為理室有琴瑟之樂堂
慶椿萱之秀居心坦蕩秉性溫厚厥偶氏唐柔順是守隣里
不聞其言笑深閨以撝作居首妯娌風和婦德之茂

○恒百七十五公贊

年少成名夔宮之英多男後裔其枝繁青三槐作耦鸞友和

鳴德星奏聚祐集伊身

○孺人氏王贊

生素封之室適豐豫之家性和順而善事舅姑身修潔而手

操泉麻此四德之無缺而實有可嘉

康熙五十年辛卯陽月之吉


本邑廩庠文溪樓澧拜撰

○表兄陳君希昂希昂雙壽誌

予于乾隆甲戌之秋膺陳姓重修譜牒之請見伊姓藝文甚

夥俱誌忠孝節義文章余雖不敏伏讀漢時有勸勞農桑力

田之詔是則竭力於畝畝而本分自守者皆其可誌者也陳



君希昂希昂予之中表兄也勤操作完國課不侮鰥寡不欺
幼弱兄弟怡乚茲現登八十有餘而兄弟之熙乚和樂者不
啻孩童時之受撫育於雙親噫乚若二表兄者真所謂義皇
以上之人葛天氏之民也歟但艱於子嗣繼二表兄幼表姪
爲嗣例得並書

無咎

乾隆甲戌年冬月之吉

弟徐俊拜撰

○可安陳公贊

觀巖之麓聿有偉人游心墳典樂志鱸葦荷蓑高隴載酒芹
辰信孚於友澤溥於鄰其門表德厥里稱仁三鴻秩乚六桂
綦乚行無或缺福應駢臻胡耳未順遽返其真嗟予小子空

效朱陳腹牀雖坦莫雁不親追思夙望含意欲申僭言誌牒
輝映千春

子婿倪應庚頓首拜撰


○守霜陳公贊

何關塵擾惟愛清閒存心藹之行已謙之質實茂矣氣詎肫
然仁風素具禮教長言既敦儉約亦樂周旋不矜不伐無黨
無偏躋身舜世抗志堯天完純抱璞是以永年

昔

乾隆十九年歲次甲戌冬月之吉

眷小婿吳公益拜撰



○行恒百六十姑丈陳公暨如祖母安人傳贊

翁之諱希諫字諤臣清之姑祖也曾祖思立祖日仁父得彪
秉性篤茂雅不趨華一言一動率素不染時俗鄉里戚友凡
炙其言貌者莫不欽其爲慥也士少肄舉子業讀書務身心
實得於逢時文每不以操觚競勝故功名是淡輒應試旋以
數奇廢尤實於藝倫竭力庭幃晨昏侍養孝謹肫摯循之可
楷暨於兄弟友愛一本敦情迥不斤斤於皮膚形迹故一時
信義集效家宜族睦先後賴以垂美不替其居室也席豐履
厚杳無富殖相推積援之比閭四民以及親友耳目不給處
間有施與咸出任恤實誼故一腔誠樸所照不獨當時沾德
者銘肝鏤腑而人徃風微或道其遺行舉肯心欽範多爲之
低徊於茅山之古宜嘖也以我翁並峙芳規於弗衰冢君

守霄殤次守霖守憲克以淳龐繼世務本力田不墜家教孫

六永儒永位永春永微永衍永錢曾孫昭祿昭長蘭羶桂郁

既富方穀寢昌寢熾日有起色舉郡耆宿壽近七旬康熙丁

巳年十二月初十日酉時生乾隆壬戌二月初七日戌時卒

元配祝氏即姑祖母也蓄德懋工精議酒食克襄翁徽至於

孝道持敬始終有極更不媿至性雙全佐扶綱乾隱匡人紀

北堂榮景鶴齡蓋未央也爰是為之傳而永之以為真篤之


士民模

贊曰

人心氣運純樸則厚而有常浮華則澆而難久故純一聖人

忠信是貴至于晚俗一切多智巧是尚見有詭之夫且不足

之嗚為無川輩詎知天人無妄理原於穆其見短于靡風者



固卓然領造物之元氣降山川之杰秀翹楚巨鄉以之維風
而延雅緒於月旦之公論者也津也生沒旺相後裔在我翁
及姑倡隨行素允無善報想然而陰陽正脉昌協穹蒼實有
定理歷也不爽者而何有於古今紛也偶然之氣數也哉

薄劉曾

乾隆十九年歲次甲戌冬月之吉

年家眷內姪孫丁卯科舉人候選衛正堂祝永清頓首拜

○守傑祖父合贊

語云莫爲之先雖美弗彰莫爲之後雖盛弗傳故祖孫父子
間足以覘世德焉吾里得瑞公端方正直樂易和平耕雲犁
雨油然自適其天處身涉世一以忠厚爲本性情豁達慷慨

施而不矜故淵源家範歷久不墜延及希芳公善繼善述克
守父風務農力田光大前業厭市井而樂山林古心古貌藹
如也勤儉持家義方訓子貽謀燕翼固宜後裔之振興也英
嗣守傑渾樸不減前人而志趣卓越矩矱先民殆又一秉德
君子耳嗚呼觀於公祖孫父子間洵可謂有開必先世濟其
美繼也繩也相維於弗替者歟

乾隆十九年歲次甲戌仲冬之吉

杜谷唐華拜撰

○守福陳親翁傳贊

余於觀巖前輩後進向有親朋交好往還不替而其中永序
余從兄司理輝山公之佳婿也謙和敦樸語言無華洵異浮

薄輕儂之子而究其淵源必有所自諸君盍爲余詳言之其
老成爲余言曰乃父守福最有家教愛親敬長務本力田操
作能勤自奉則儉閒是閒非毫無干與是吾族之安分守已
人也而少壯者爲余言曰此人無他奇也三時不失六種有
收先天而勞後天而逸耕耘收穫倉庾盈億若非已之所有
雖一介而不肯苟得是吾族之勤勞清白人也而往來行人
爲余言曰是翁好善樂施人也路之頽塌者補之橋之圯壤
者修之賙人之飢濟人之渴地方之人誰肯如此而且有顛
危窮迫者卽量已力以扶之持之余因想賓筵相會見其顏
蒼貌古情意藹然口無擇言身無飾行惇信周慎溫厚廉公
輿論諄乚洵爲不誣近聞獨拜蓮花一部供佛飯僧三年於
茲邪正之教雖未盡曉而其好善之心固未嘗不真切倍常

倘其讀書好古講明正經之道則其請師訪友身體力行不
知其真切又若何也孔子云十室之邑必有忠信張子謂不
貳其心志仁無惡親翁之行其暗合者與翁諱守福字嘉善
原配蔣氏生男女有二續配祝氏子六人守業克家女二人
已婚配孫十一人孫女六人

○贊曰 具餘秋善樂誠人而欲之應是善蘇之辭之也

人以巧嘗公以拙迎人以辨來公以訥應蒼古其貌醇樸其
心作家以儉制行以勤陶然力穡坦然率真義方訓夫七子
貽謀裕乎十一孫恒欲勸諭夫流俗是自唐魏以上人

乾隆十九年歲次甲戌冬月之吉

邑廩生眷小弟方有益拜撰

○惠九十一公傳贊

易曰積善之家必有餘慶古人信不誣也予觀九十一公諱
守福閒靜寡語不好浮華務農業圃冒風被雨不辭勞雖不
事詩書而內外人已間頗無遺憾尤足羨者宅西有金浦通
衢津梁之要害也公獨力作亭一座造杠於其旁又有激湍
清流縈帶左右過是亭者不獨憇息有方亦且高瞻遠矚畱
首連不去亭左漸行一里設東湖溪橋以通往來村之後有名
坡老橋宅之上有名水塘橋皆公獨力經營貲財不吝樂成
其業村中人漁樵耕讀者咸沾其澤復于輪巖殿內獨助石
棹以俸神靈倘非度量慷慨超越尋常胡以至此至若營宮
室拓田園更無論矣元配蔣氏閩範素嫻姆儀克謹巾幗中
罕有匹者生一男一女繼娶祝氏生六子二女孫十有餘藍

田種玉芝蘭繞膝為善之人天必護之豈不信哉更期後起

有人圯者修而無者造方不負先祖創造之功今年春譜事

將告竣宏增宏治持行狀請譜於予予不辭謏陋敬為之序

以示不忘云

與昔

道光廿五年歲次旃蒙大荒落病月穀旦

族孫邑庠生際昌拜撰

族孫邑庠生際昌拜撰

族孫邑庠生際昌拜撰

族孫邑庠生際昌拜撰

族孫邑庠生際昌拜撰

○陳親翁嘉文先生紀實

蓋天地之正氣聚於川嶽川嶽之真精萃爲人物故凡人而得正真之餘者出則致君澤民處則敦倫飭紀分殊而理同也予每以此盱衡人品幾得我親翁焉翁諱守彬字嘉文顯

翁冢子也幼而讀書習大義淡功名長而力田話農桑勤操

作此爲人之本分無足紀者紀其事親也溫清視膳待弟也

讓棗推梨孝弟稱揚人無間言若夫和宗族睦鄉鄰排難解

紛修橋砌路莊嚴佛像以欽三寶施捨棺衾以免暴露本孝

弟天真以措諸施爲者謳歌載道是翁雖處觀巖之麓而實

黨閭之推郡諸侯每尊祭酒邑大夫舉以約正乃

朝廷之所以分化於鄉而亦天地正氣之所以扶植川嶽真精之

所以凝聚也歟先配劉氏早世繼配祝氏生五子長鈺娶汪

氏次配應氏次銑娶仇氏次配蔣氏三銀娶張氏次配曹氏

四金娶錢氏幼錄娶方氏予之幼女也誼屬姻婭企翁最久

詩有曰高山仰止景行行止者此之謂也茲緣陳姓家乘修

輯聊為紀傳實綠裨後子孫庶有觀法至於文之鄙陋殆不

敢譎翁生於康熙癸亥年又六月初七日酉時卒於乾隆庚

午年四月初四日申時享壽六十有八歲

昔為人之本公無私味香雖其靈顯出於靈而代田諸象榮耀對


乾隆十九年歲次甲戌冬月之吉也

此字世以出刊入品樂眷小弟邑庠生方有社拜撰

於五真之籍香出順廷其對凡氣傾轉命繪張衣概而賦同

蓋天此之五原梁飲佩懸世錄之真散萃為大時對小人而

利謀餘真文長世保實



○惠百十七公贊

人之克自振拔者無在不可表見不必定出於讀書窮理而志行之卓越丰度之軒爽與夫性情之肫篤固自有度越尋常者矣公農家者流課晴間雨油然自適其天機而持躬涉世落匕有古人風顧其性嚴毅好整飭有不足其意未肯少假之辭色然卒未嘗失禮于人人之有顛危而窘急者慷當以慨不惜倒困傾囊以與之與之而初不自矜無幾微德色以故施惠于人人不之覺也平生雅重讀書樂與士君子交訓子嚴謹有法今令嗣奕匕膠庠席珍待聘將來正未可量如公者非所謂一鄉之望歟固宜縣尹聞之津匕嘉許而推爲耆賓也哉寔至名歸以視讀書窮理者果何如耶

乾隆十九年歲次甲戌冬月之吉

眷弟甲子科舉人候選縣正堂唐

華頓首撰

公遺下賢田一處土名山干計册田乙畝五分正派下子

孫入沖者耕種不得典賣

庶幾誠惠平人人不致費出此中經重情隆德與士庶同交

財財不替附困則與與之與之而財不自貧無幾幾財財

如之爾自熱平太嘗大斷于人人之有願意而春益香刺當


此世者山有古人知此其用器器欲變物存不致其意未肯少

常昔矣公幾家者流難難則雨而然自而其天難而後後

志行也卓越丰文之博與與夫封爵之測說因自存與故

人之哀自慰對香無亦不百來以不必安出然能書與與而

○惠百十小公會



○行惠百三十九表叔嘉吉陳翁暨安人徐氏傳贊

翁諱守仕字嘉吉號斗七曾祖日全祖妣倪氏祖得瑞祖妣徐氏父希煥妣倪氏生而靈明長多知畧處事有方言闇行侃不以巧勝拙不以員移方故無拘墟見隔每以身世調達自喜雖弗深入詩書其方寸磊落無頽風魔障徃々有功於閭里凡遇族隣事必爲判勸是非無私可否有真人有蒙者惟翁發情暢委雖至親暱友無所偏蔽所以有時紛若治絲得翁之言而理莫不釋無所回護焉其事親也克全順德齋栗庭除恪懷明發少壯若孩提時不徒曲意承歡葬祭咸矢誠敬永念時事且率同行以和睦閑子弟於成規操縱各有體要務本治生樂滋禾黍澤守桑麻勤先亞旅少長皆知以勞効儉安衣食內外莫不以樸尙生康熙丙子五月十七日

子時卒乾隆癸酉四月初一日辰時元配徐氏壽範攸垂內
助罔忒事上接下能以柔懿襄乃剛方且諳于大體教子操
家不謏之於鄙細規模生康熙壬午十一月廿六日戌時卒
乾隆庚戌十二月廿九日子永茂永聰永滿孫昭征昭猗恂
恂素風無非翁之貽也是為傳


贊曰

公以秉心直以入世不昧於天克遂乎志排難景行解紛
如意反躬咸謙徽音偕峙三代之遺民叔季之英耆

音

乾隆十九年歲次甲戌冬月之吉

年家眷小姪丁卯科舉人候選衛正堂祝永清頓首拜撰



○嘉憲君王安人貞節記

乾道成男坤道成女男女共秉造化陰陽之氣而能自盡其性者蓋寡至於閨闈之中識則本於天然志乃由乎性定堅確乃操迥然不自貶者益又難所以唐虞三代以迄晚近自聖母賢妃如姜嫄太任太姒等輩而外求其澄心雪碗滌志清潭者恒不數也觀此以知節操冰霜栢舟自矢者爲今人極難能事矣余援如王表兄一次女自年十六適官岩陳嘉憲君情諧伉儷和擬琴瑟遺女一子一越七載乃雍正之乙巳臘朔間昊天不惠陳君不祿伊子於次一日繼亡余外侄女年二十有三歲上思曾祖及祖舅姑屢世獨傳一旦自此而斬痛哭動天哀慘無地爰思變志者非人倫所貴而堅節者乃女子之常此心一定百折不回終身之事從此而決

焉由是愛繼一子永猷日夜勤劬殫心家務悉遵閨內範圍
於每年中冬夏春秋禴祀蒸嘗之禮恪致虔恭不敢少軼而
和諧於妯娌敬恤乎老穉尊卑長幼各馭以道至其夙夜耿
耿寸心者每念上祖三代殞而未厝爰卜地卜吉各安先人
於地下而此心庶幾乎少慰育字伊女年及笄而適內婚其
盈門之爛更不必贅此其霜雪不驚松柏成操凜々有幽人
之勁氣春秋獨度寒暑單延若此者數十餘年至五十歲而
辭此塵世焉噫此誠古今來所僅見亦人倫中之拔越者矣
是爲記

乾隆十九年歲次甲戌冬月之吉

邑庠生南村陶成悌謹撰

○惠六公贊

永時其猶子也一日問余知伯父之爲人乎余想其平素榮
辱不知世利不曉憂嗇不聞惟求田舍安老農圃樂天知命
古上遺民休哉是人

三益齋識

○惠三十三公贊

魁偉者其體端方者其行誠實是待人之本勤儉爲治家之
源出作又息優游於南畝敬長慈幼孝悌於家庭克繩祖武
丕振箕裘安人二氏一子傳名厥孫郁之蘭桂森之忠厚所
積後裔衍慶

弟隆義撰

○惠三十七公贊

容貌蒼古秉性醇謹作事機智營幹超倫翼父志而創興家
業垂後昆而棟宇聿新既謙和而睦俗尤孝敬以思親淑配
倪氏閨闈之英再娶吳氏育子立成當今之俊秀異日之振
纓

弟隆義贊

○惠四十一公贊

質直好義惟誠樸以待人謹言敏行存謙恕以自純而且勤
儉持家作良圖而力紹箕業義方是訓承先緒而後啟人文
內助克配闈德斯馨令子特拔螽斯繩之而振之

弟隆義撰

○惠八十一公贊

賦性靈敏處事多謀幼失所怙能立家計勤儉隴畝豐饒自

至孝養萱親友愛昆弟教子義方箕裘可繼

○惠八十四公贊

叔隆義撰

○惠八十四公贊

儼乎其態秀乎其容處鄉黨能謙和睦俗遇機務而經權變

通撫愛二弟孝敬祖公會為保障上下稱頌維伊之能人隣

里推所重

○惠八十四公贊

叔隆義撰

○守禮叔翁序行惠百八十七

天地溫厚之氣始於東北而盛於東南此仁氣也嚴凝之氣

始於西南而盛於西北此義氣也人秉天地之德內蘊諸心

亦有仁有義而能兩全無恨者卒寥々未可多得不謂今於



翁乎遇之翁諱守禮字嘉信係浦邑觀巖陳處士也生而英
敏初入塾舉目便成誦綜理家政悉有法度可觀爲人最質
厚醇樸古茂豪無澆漓態識者謂其有古長者風性剛正舉
動云爲磊落有丈夫氣不獨是亦不模稜故人皆望聞惕息
不敢干以私以仁若彼以義若此雖古仁人義士無多讓焉
而尤有不可殫者里中志切報本欲造祖祠一所衆皆欣也
然有喜色翁獨鼓鼓軒舞慨然以領袖爲己任由是洽黜聖
進神主廟貌森然以整序昭穆明人倫譜冊煥然以新嗚呼
此非卽仁率親義率祖之事乎迄今齡登耄耄猶矍鑠如馬
伏波亦所謂仁者獲壽惟義永年也翁真兩全無恨也己厥
配鄭氏安人敦婦道相夫子稱賢內助生三子長永文次永
蘭幼永祥孫五人均克家賢嗣有乃祖父風余與翁同族其

性情行習皆所耳聞而目覩者爰不辭謏陋妄操不律而爲

之序凡其人及諸公大夫子孫賢內而外


外皆衣冠諸公皆鑒書訓義永乎世餘其

乾隆五十年歲次乙巳黃鍾月

義邑庠生龍邱宗姪夢麟頓首拜撰

○惠一百七十九府君傳

嘗思古今來可以壽之而不朽者曰德曰功曰言有是三者
達而在上則垂坊樹表流傳青史困而在下則輿論鄉評載
諸家乘此族之有譜譜之有傳有贊所以誌其德與功與言
耳若無其德與功與言而強爲附會則褒之者失實而當之
者亦不安耳至如陳翁諱守霖者其德與功與言固有足述



而無容湮沒者也竊觀其家庭之間不嚴而肅不怠而和長
幼內外秩然不紊其薰陶者至矣偶一與處穆然如坐春風
油々和煦藹如吉如洵有古學士風乎時當歲歉舉族嗷々
公則慨然捐己資施米粥周貧卹乏拯孤援寡排難解紛吉
祥善事奚可勝舉非公之德曷克臻此尤可美者勸首建祠
不惜其財不惜其力日夜焦勞視公事直如己事不數年寢
廟奕々堂構阜然向之棲息無所者今已共快式憑矣向之
露霜悽惻者今已瞻仰非虛矣而公之功不亦偉歟功德如
斯而緬想其生平未嘗妄發一言也則必中肯綮亦可謂夫
人不言也必有中者矣其功其德其言洵可垂之于不朽者
矣公生於康熙辛卯十一月初九日辰時卒于乾隆己亥二
月十一日安人蔣氏德言工貌孺良媛焉與公合葬于本都

之後橋頭三子長曰永位次曰永微幼曰永衍二女長適唐

幼適錢茲因重輯寶乘余忝附至親不揣鄙陋爰誌其事而

爲之銘

贊曰

居身以敬接人以誠恭儉溫良寬厚和平藹乚道貌秩乚德


音翔祠立廟盡瘁功成以崇俎豆以妥先靈光前裕後洵莫

與京

昔

龍飛乾隆五十年歲次乙巳黃鐘之望

邑庠生眷小弟唐蕃拜撰



○守先陳太翁傳并贊

嘗觀宇宙之大林總之衆有德者未必有才有才者未必有德若才德兼優蓋曷之乎難其人也予於官巖陳公則有異焉公諱守先字嘉振惠二百六其行第也少年讀書固有凌雲之志因半塗改業識者深嘆之然其爲人宅心仁厚制行端方居家庭則敦孝友處鄉黨則著謙和生平舉動必求可白於人且才能揮霍視履考祥倡首建祠立廟日夜勤勞執筆賬目毫無私意毋論細務艱鉅雷厲風行措之莫不成宜也淑配盤山葉氏係予族之姑太也姆道無雙克相夫子生子三長曰永敏次曰永忠幼曰永信皆崢嶸名駿綽有父風倘非翁之刑于有法庭訓有方曷克臻此宜乎錫以遐齡莫之吝矣胡年六旬有三遂飄然仙逝乎雖然挺然秀拔者幸

有三槐將見善繼善述光大門閭詎有量哉忝居姻末伯翁

宏曾者囑予作傳乃深慕翁之為人欣然緣贊一律以誌

所思云曰派嫡次曰派忠政曰派言皆

贊曰益山葉刃刃于其文故太出賦豈無贊

轉輪矯之降靈基獨見吾翁世出姿郁以文光經斗極堂也

浩氣燦雲霓幸栽槐樹舒新葉喜看荆花放嫩枝邁德高風

三代古思君載筆仰容儀


昔

乾隆乙巳一陽月之吉

蘭邑太學生眷晚姪葉寬頓首拜撰

善

○



○惠二百三十公傳贊

余姐夫諱守傳字嘉述者固所稱誠實人也少而岐凝頗有志于詩書及其長也遷業耕耘勤而且儉每以刻薄奢靡爲戒故其爲人尙氣誼敦忠厚然諾不欺取予不苟故鄉黨宗族間靡不式相好而無相尤焉且也立祭產興宗祠報本追遠之心尊祖敬宗之念篤于天性而無鄙吝苟安于其間者咸掛鄉人齒頰至于田園廣制棟宇恢宏家庭內之盡心勞力不必更爲誌美也然而父母之間盡其孝兄弟之際處以和而且待下之道寓嚴于寬肫誠篤摯每欲以學業課其子姪一家中雍之可觀將田之荆姜之被其庶幾乎無何年踰三十溘焉遽逝此誠有生所共深悲而不能已者也余因溯其行而爲之言

其○贊曰

志則金石品則圭璋持已春和秋肅接人月霽風光克勤克

儉無怠無荒守承世業饒裕倉箱而且念先人于既遠永孝

思之不忘為祖宗謀遠大為孫子計久長由是人多叔季彼

則義皇蓋修彜德于一身者斷為後世所流芳

皇清乾隆五十年歲次乙巳冬月之吉

內弟邑庠生吳炎拜撰

本版

志于結會以其身而致業其法而致其法

余故大韓宗朝年嘉叔香同

○應二百三十八公

○應二百三十八公

○惠二百十公傳贊

聞之求木之長者必固其根本欲流之遠者必浚其泉源思
家之永者必厚其德義又聞之家之興廢有天亦有人予嘗
操筆以入溫厚之家有年矣有一至者焉往過之忽衰微矣
有再至三至者焉往過之又凌夷矣嗟乎非所謂生則逸不
知稼穡之艱者耶非所謂欲敗度縱敗禮以速戾于厥躬者
寡耶非多行可愧知其不可而強爲之者耶將富貴無常薄功
而厚饗之者耶抑榮悴有時天固稱量以出而不容誣者耶
不思厚德但欲騁懷斯亦伐根以求木茂塞源而欲流長也
唯我 年伯諱守堂字加儒其懿行更數難終但建祠爲倡
始訓子步厥前型患失足失色失言有孝行友行順行此固
卓々不容沒者娶倪氏易曰在中饋無攸遂生一子詩曰式

相好無相尤嗟次子永和與予砥礪芸蕙素有壯志惜遇艱
數奇良可浩嘆然觀年伯之後麟趾振之螽斯詵之若此者
天為之乎人為之乎將所謂德厚流光者是耶非耶時值寶
乘重修予忝列同心因謹為傳要亦著其實以昭來者至若
課力田謀蓄儲皆畧而勿陳懼褻也

嘉慶丁卯應鐘月吉旦不日而點為之昔亦深富貴無常難也

皇清賦慈蘇太澳香雅巷長洲龍船澳吳朝華拜撰


百惠至百十公祭田畝之文與矣矣聖平共洲龍船澳吳朝華拜撰

一田一畝二分之案亦至矣主名水塘碑掛殿之恩寒燂矣

一田一畝二分其新義又開主名七斗嶺自天亦有人平嘗

一田一畝共二畝必固其財土名四十五昔必窮其泉德思

○惠至百十公祭田



○惠二百二十府君安人徐氏傳讚

翁敦忠厚尚氣節母奢華寡言語恒以輕薄誠其子弟凡所
行事有古仁人長者之風焉其家頗裕猶必克勤克儉不忘
物力之艱所以廣田園建大廈俾後人樂其樂而利其利者
皆公之貽謀遠也安人徐氏幽閒貞靜得諸性生經營家計
內外有方內助之賢又如此余忝叨至戚故於續修家乘不
揣鄙陋遂起而爲之言

○讚曰


其質古其貌豐與人有禮處己以恭振箕裘貽謀乎孫子
長治稼圃無忝於上農敬老慈幼言直行忠還醇返樸美備
厥躬况復姆儀足式閭範可風任蠶桑之事勤刀尺之功
藹乎柔謙淑慎質哉言德容工固宜後嗣繼起賦振之之

麟角歌螿之於斯螽

皆

嘉慶十二年歲次丁卯菊月上浣

眷小姪唐顯思頓首拜撰



內代亦六內州之習又賦此余悉四至艱危欲蘇於寒寒不
昔公之能指畫出廣人翁刃幽閑貞精界器抄主蘇營案情
神代之職內以畝田園數大與地對人樂其樂而保其除香
百事自古以人身者之風焉其寒取極餘必哀憐哀餘不志
餘烟忠義餘餘餘餘餘餘餘餘餘餘餘餘餘餘餘餘餘餘餘餘

○應一百

○淳四十二翁傳贊

官巖之麓有諱永昊字君日者忠厚長者也幼時習舉子業學書法然屢試輒阻不能遂其進取之志既而悠游家塾與族中門人小子習幼儀講小學故灑掃應對之間出其門者皆循循然有法度易曰蒙以養正先生庶無愧焉閒時又好習岐黃雖術不逮醫和醫緩然小心謹慎未嘗率意悞人亦不敢取償利己由是近遠聞之快然思附今先生蒼顏矍鑠而蘭桂芬芳孫枝林列則異日之大振家聲者未必非先生忠厚之所貽也余誼切桑梓情聯眷屬故謹錄其生平以傳於後

○贊曰

悠游泉石樂天真更享遐齡邁等倫白髮不忘占麗澤蒼顏

偏喜賦同人膏肓上下從心辨筆墨縱橫着紙勾屈指韶華
近八十丰裁猶是美青春

傲骨

乾隆五十年歲次乙巳黃鐘之望日

而蘭蕙芬芳茂苑如林限異邑廩生眷小弟唐汝霖拜撰

不效爪前除行由長正氣聞之於然思州今未主春與異

皆妙黃髮研不致醫味嚮然小心難辨未嘗李意州人亦

皆前前然存好要良曰樂以登五武主無無射焉問都反沒

共中門人小子皆成辯論小與好屬許期理之問出其四香

學書好然氣屈神由不強發其數以之志期而然滿案墨地

自錄之驚百詰亦吳字林日香思其氣香出以初醫舉千業

○卷四十一



○岳父淳八十八陳永康公行傳

岳翁諱永康字君書里黨正人也公之嚴君守福太公清貧
起家庭前男女丁幾五十享壽九旬名著鄉邦嫡母蔣氏兄
姐二人生母祝氏伯仲有六姐妹二人公居其幼年方十四
生母遊仙時當弱冠昆季各爨公老成練達持正不阿迹其
行誼尚誠樸不尚浮華崇信義不事虛誕清白以自矢公直
真以待人霑體塗足竭力務乎田園日新月異產業漸以恢宏
然公之家道殷實原非安享祖業乃勤儉持家銖積寸累以
致此乾隆癸卯豎造油車一張費錢百餘兩迄今市人近悅
遠來生理無不茂盛公之丕振鴻圖爲何如與享年七十有
四終于正寢淑配仇氏子岳母也柔順溫恭孝事公姑敬相
夫子懿修合乎四德閭範協于三從今春秋七十有九老當

益壯矣嗣男妻舅有四皆馴良足式淳厚可風克繼前人之

業孫七人頭角崢嶸將來光大門閭正未有艾也予小子孤

陋寡聞詎敢矜於古之立言者耶但忝居館甥義不容辭因

乾即所見聞者畧疏梗概以示不朽云百結兩堂令市人並

然皆之家前幾實氣非受享而業心惟創於家於此亦保以

嘉慶十二年歲次丁卯冬月之吉

不尚習華婿男西堂方逢年頓首百拜謹撰


主母張山和當機探具李谷嬰公朱如縣蓋林五不河茲其

即一人主世疏刃前仲皆六淑慈二人公母其收平式十四

沛案親前良文丁樂五十享壽此位各善機准敵母棘刃只

岳德請派刺字甚善聖黨五人出公之機保守師太公書發

○世父尊八十八則天與公不



○行淳九十一諱文震陳老姻翁先生傳

靈巖崩、律曲、澗、潑、迴、秀、峯、層、聳、紫、陌、遙、連、誠、扶、輿、蜿、蜒、之、所、
亦、神、靈、栖、息、之、鄉、溯、自、南、宋、之、朝、聿、有、穎、川、之、喬、因、結、禱、而、
至、止、遂、卜、宅、以、爰、居、山、屋、水、盪、時、供、勝、覽、地、靈、人、杰、代、有、達

人、恭、惟、君、韶、老、姻、翁、生、值

聖、朝、產、於、名、閥、天、資、穎、異、幼、識

之、無、才、地、通、明、博、綜、經、籍、執、卷、無、煩、于、咕、嗶、過、目、不、忘、臨、文、
奚、待、于、推、敲、揮、毫、立、就、縱、擔、簞、負、笈、曾、遊、哲、匠、之、門、而、雪、案、
螢、窻、未、見、下、帷、之、苦、聊、試、餘、技、早、已、得、意、于、芹、香、揆、厥、長、才、
詎、竟、忘、情、于、桂、樹、豈、料、萱、花、倏、謝、遂、使、枯、楊、生、梯、曾、無、棣、萼、
之、輝、豈、有、蘆、花、之、變、蠶、薨、躬、進、井、邊、之、孝、鯉、飛、來、朝、夕、承、歡、
樹、上、之、慈、烏、不、去、室、有、刑、于、之、化、鴻、案、齊、眉、庭、羅、式、穀、之、英、
驥、兒、繞、膝、在、居、家、洵、爲、有、道、而、涉、世、尤、覺、無、偏、始、緣、絳、帳、以

投徒怡情筆硯漸借黃冠之逸侶息意田園旁參種藝之書
兼精風鑑之術雌黃在口不無率直之言坦白爲懷殊少町
畦之設銜盃樂境每白眼以看人臨水得魚亦虛心而畱客
乃里黨鮮與言之輩笑談難覓知音而鄉隣多輕信之交然
諾終成行路至於尊師敬友未嘗致怨於谷風及夫濟乏扶
菑奚止沾恩於桑下仁者昌後直其然乎善人餘慶良不誣
也忝也始接芝顏於文圃固爲孔李通家繼選拙子於東床
尤屬潘楊密戚乃尙平之婚嫁未畢而子敬之人琴俱亡嗟
乎鶴馭雲輪莫覩仙翁乘夜月鷓啼猿嘯頻教楚客慟秋風
茲當續譜之期謹奉片言以贈偶談一二自慚謏陋而不文
畧述生平用冀掄揚于來詰

乾隆歲次乙巳登高節後三日

廩膳生姻弟胡鳳超拜撰

○淳百七朝奉鳳儀公傳贊

余伯翁諱永聰字君明惠百三十九府君次子也爲人尚氣節敦孝友遇人有美行卽曲爲成之生平舉止無不動關綱常之大其性復敏達宗族鄉黨中有是非曲直難剖者莫不折衷于公公出一言以剖之悉當其應世之才又如此故當日見稱於鄉鄰而亦見重於縉紳之士娶柳氏俱屈中年未獲一嗣夫婦相繼辭世余每論及此未嘗不太息痛恨於翁之大不幸也雖然翁之繼孫宏長亦頗成人異日慰公之志于九泉未可量也公生于雍正庚戌年東介村翁之姪諱昭鑾恐伯父之久而就湮因屬余傳以存什一余雖筆魯義不敢辭遂起而爲之贊

贊曰

正直性生晶瑩天賦孝友克惇言行必顧與人為善歡生


肺腑柔不如剛不吐排難解紛仲連是伍形雖委兮其精

不蠹仰彼高踪忻然起慕

嘉慶

十二年歲次丁卯季秋之吉

庠生姪婿唐際盛頓首拜撰



○淳百三十九安人徐氏節孝傳


嘗聞世之人平時堅持雅操敬德不違一旦臨利害遇冰霜靡不有初鮮克有終者徃々有之况閨闈乎粵稽徃古若孟母之成子爲亞聖歐母之成子爲名賢此其照耀古今者也追維吾妹徐氏歸於陳門者雖不能上追乎古人而亦能企慕乎古人也當其妹丈逝世年方二十餘春所生一男一女僅能步行斯時也非特成敗所係而實存亡攸關也已苟非立志冰清栢舟自矢則陳家之世系洵堪嗟已然而吾妹遵內則之言克循四德嫻姆訓之教恪守三從事姑竭力教子義方勤儉持家守成先業信爲閨內之儀型誠作女中之表率不意六旬方至夢入黃梁幸及子既克肖女適庠生唐際盛娶媳唐氏能知孝敬內助之賢孫亦成人德雖未彰於

墓閣名實昭著於邑侯錫以古井清泉之贈非虛語也迄
今鄉黨之稱頌不衰隣里之譽聞猶在妹德若斯宜其益斯
衍慶蘭桂騰芳畱盛名於萬世而弗替也故誌之

內省

嘉慶十二年歲次丁卯菊月下浣之吉

長富源愚兄徐忠槐沐手敬撰



○淳百三十九節孝徐氏傳

徐氏安人盛之外母也自盛忝居兜例脩聞母之高行而又躬親懿範者久之故盛獨知母德之詳者也母十九歸于陳外父諱永滿字君元者性豁達母則敬戒焉違三從之義已夙講矣越六載生一女一男而外父亡計母居孀年僅十四耳伯母慮其子幼而孤立也以再醮勸之母泣曰鳥獸猶知配偶况人乎吾雖婦人有死而已他不願聞自是立志堅貞栢舟自矢事姑孝持己嚴治內御外艱苦脩嘗丰骨蓋凜凜也迨姑老失明服事尤謹晨昏進膳必親自調護以視乳姑之孝無不及者至于誨女以淑慎教子以義方無一不見大家風範吾族祖明杉公書香家也目覩其賢許以令愛爲姪一以見好善之靡已一以徵至誠之感人噫母之節孝賢能

積四十年于茲矣實德所孚一時鄰里鄉黨嘖之稱頌不衰
邑侯聞之贈以古井清泉之額祠長永遠給胙以獎之亦激勵
風化之美意也惜乎窘于家計盛又不肖不克請
旨給坊以昭盛德雖然于母乎何損母之心與日月爭光母之
德與河山並壽母之節與松柏長青而豈係乎坊之有無哉
母享年六十子諱昭鑾慷慨好義亦有家風一女適盛吾無
贅焉令孫三曰年曰月曰道俱見豐角秀眉詩曰俾爾昌爾
熾天必于母有篤意也茲因陳氏續修家乘以盛爲躬親懿
行者久故不揣固陋爰誌其實以示不朽于後云

皆

嘉慶歲在丁卯菊月之吉

邑庠生子婿唐際盛謹述

○淳百七十五永寬公傳

公諱永寬予未見其人則聞而知之言忠信行篤敬色思溫
貌思恭矜而不爭羣而不黨事父母能竭其力於鄉黨恂々
大如也不如老農不如老圃布帛長短同通功易事不素餐兮
若將終身焉厥配胡氏無違夫子宜其家人麻縷絲絮糲飧
而治雞豚狗彘之畜無失其時制其田里財不可勝用也故
大德必得其祿男子生而願爲之有室以能保我子孫尙亦
有利哉孔子曰仁者壽信乎

道光廿五年歲次乙巳春月吉日

邑庠生孫際昌拜撰

○淳百八十六永衍公傳

言重金石品擬圭璋量方淵海行協宮商和希魯惠儉步齊

首嬰瑗魚作友管鮑為盟壘篋迭奏琴瑟允諧椿萱並茂蘭桂

齊開綿瓜瓜瓜振子孫關心晴雨寄跡田園廓增畝畝宏

建閭閻憐貧恤寡先親後疏是非莫管榮辱奚知德遂輿望

壽越古稀厥配蔣氏亦享延年三從已盡四德兼全茲屆葺


譜自當揚休欣有後裔克紹箕裘其田里根不百畝出地

大清道光廿五年歲在乙巳病月穀旦

邑庠生族孫際昌拜撰

公結不買字未以其人明開而味之言忠計行善地色思臨

○百十正派實公傳



○淳百八十二公安人曹氏傳贊

淳百八十二公諱永挾字君持惠百七十五公之幼子也考其先昆季四人長兄永號次永縉三永科公居其四當其弱冠分爨雖不能效田荆之義而式好無尤竊欲展鶴鴒之情乃未幾而次兄先逝矣又未幾而長兄登仙矣又未幾而三兄不祿矣公獨行踽之幾懷杖杜之傷况基業甚微北門堪憂得守宗祧幸矣詎敢冀無窮之福哉何意克勤克儉家道日隆建棟宇置田園向之藜藿自甘者今且粟陳貫朽矣向之蓬華是安者今且鳥革翬飛矣然富者多驕公則持己敬與人恭驕何有也富者多吝公則通有無喜捐募吝何有也觀夫壽踰古希幾登仙皇恩錫爵公之福何非公之德有以致之乎德配安人曹氏賦性柔順秉質雍和相夫子敬戒無違訓膝下耕稼爲先坤道其無

虧也陰教其克理也所謂女中之豪傑非耶育四男長昭龍次
皇昭虎三昭豹四昭滿課農桑問晴雨日以稼穡爲事厥孫五宏
雙宏喜宏福宏祥宏星等聰明穎異頭角崢嶸將來丕振家聲
未可量也茲當族譜告竣是爲傳梓而與人共觀神林出富

田贊曰古萊裔自昔有命往來勳績殊矣向以爲蠶華長安啓全

事雙親勤其問視處昆季盡其友恭積誠待物謀必盡忠義方
訓子事必秉公光于前裕于後貽謀悉歸于正大始而貧繼而
富驕諂不設于寸衷此雖農圃之老翁而實有古學士之風淑
配曹氏節凜之氣雍之倫四德守三從壺範與孟姜媲美姆儀
與敬姜相同宜其後裔振匕厥孫螿匕歌麟趾而咏斯螽
道光四年歲次甲申陽春穀旦

族姪庠生昭亨拜撰

○淳百九十暨唐氏安人行畧

君諱永熙字君正淳百九十其行也爲人樸實不尙繁華氣
靜神閒形端貌肅默之寡言怡之雍睦信義交朋遇欺詐而
不爲逆億公平貿易居奇貨亦不計盈虧疎財有李佈之風
寡欲得公綽之概正宜天假其年享鶴齡之願壽者也胡爲
天奪善人不及撫孤成立併棄老母先逝豈不令人仰天而
嘆息也哉元配唐氏卽余同胞之長姊也生四子長曰純次
曰統三曰緒四曰紋純與統稍長而緒紋皆幼不幸先君中
年殂沒家殷事劇姑老子稚望誰爲之處紛也惟我姊傾心
主持內外均理事之周詳萬無一失才也奉養老姑始終罔
懈孝也栢舟矢誓之死靡他節也蘋蘩中饋和妯睦鄰憐貧
周急賢也教育諸子聘完四媳光夫裕子能也有此五者謂

之 女 中 丈 夫 洵 不 誣 矣

曾

嘉慶丁卯季秋之吉

內弟唐顯思謹述



Faint vertical text columns, likely bleed-through from the reverse side of the page. The text is mostly illegible due to fading and ghosting.

○ 新百代十...

淳二百六公傳贊

公諱永開字君義淳二百六係惠二百三十公之次子也
幼年失怙少長分炊倘非天產奇男何以克振家聲哉公
則謙以自牧和以處衆恭以持己敬以待人存心公直不
肯諂諛于人行事不苟惟以端方是主優游自得每臨水
而得魚慷慨爲人亦虛心而畱容其奉母也問安視膳其
事昆也讓棗推梨其言朴其貌古洵所謂胸衷磊落者乎
正期仁者之壽添籌于海屋胡天不惠年甫服官一旦傾
逝惜我不得親聆其芳儀安人吳氏幽閒貞靜簡默端莊
待妯娌以和順訓膝下以義方生二子長曰昭慥次曰昭
泗遵母訓而撐持家業克儉克勤翼父志而聿新棟宇美
輪美奐茲逢大廈落成之際正遇家乘告竣之期公雖不


得親睹而有此賢嗣家聲克振門第增光當亦含笑于地
下也矣今修家乘侄忝居鑿修而于公之實行略傳其大

槩云

皆


道光二十五年歲次乙巳春月吉旦

族侄庠生廷光謹撰



○行厚百四十七岳父暨元配方氏岳母傳贊

岳父諱昭特字以聞太翁邑庠君韶公之次嗣也年未弱冠
遽遭失怙尤蹇於先太母所遺以然伯翁向染癡疾同乳崑
山叔翁年僅五齡鉅細幾務惟視岳父一人措理族黨中孰
不謂艱於負荷然年雖輕却有老成卓識慘淡經營閭以內
闔以外秩如也何有於集蓼何有於聞言其承家有守而其
事上接下亦曼乎尙已事太母和顏愉色飲食時起居省尤
可欽者太母疾號泣於天欲割股以進太母猝聞惶然曰此
子我家楨幹倘割而艱理家政弛矣烏乎可叱阻之病亦漸
愈至誠之感亶其然乎事伯翁入必俱出必偕弟道盡焉撫
叔翁愛養課讀擔簦負笈不辭勞芸窻膏火不少吝果蜚聲
黌序以償夙願不旋踵而叔翁蒙嗣廷光年甫逾冠卽入芹



見...

道...

宮微岳父之滋培不至此惜昇仙半紀不及見之見之樂何
如也至於鬻道築梁捐募多應排難解紛是非不苟乃其餘
耳噫如岳父者非所謂惟孝友於兄弟與君陳伍耶元配方
氏岳母幽貞淑慎孝姑嫜和妯娌巾幗中罕有健者惜彼蒼
少愛不獲舉案人咸憫之子一名曰宏鯤黜華崇實克紹箕
裘孫一名曰道本頭角崢嶸將來門閭光大胡可量也茲葺
寶乘有美必揚豐誼忝東外稔諳素履因不揣謏陋謹述其
巔末而復贊之曰
母邁疾剗股期造物鑒釋憂危恭天顯里党推課弟姪庠序
馳刑于化淑配宜相夫子慎追隨酒食議無貽懼媿陶孟閻
範垂懿歟岳父岳母昌厥後賡螽斯

○又附輓詩一律

未冠承家却老成躬耕課讀想經營生前難盡憂勤業沒後
常存逸樂名意氣軒昂空景仰壘篋翕協永流聲飄然一夢
遊仙府投淚殊傷半子情

曾

大清道光四年歲次閏逢涪灘陽月穀旦

子婿邑庠倪周豐頓首百拜謹撰

如也... 其... 不...

耳... 所... 謂... 孝... 友... 於... 兄... 弟... 與... 君... 親...

氏... 曰... 道... 本... 出... 身... 事... 親... 孝... 友... 於... 兄... 弟... 與... 君... 親...

大... 前... 首... 出... 國... 半... 數... 大... 關... 於... 我... 國... 日... 難... 且...

我... 國... 有... 矣... 必... 揚... 德... 以... 示... 來... 世... 永... 垂... 萬... 古... 之... 光...

我... 國... 有... 矣... 必... 揚... 德... 以... 示... 來... 世... 永... 垂... 萬... 古... 之... 光...

我... 國... 有... 矣... 必... 揚... 德... 以... 示... 來... 世... 永... 垂... 萬... 古... 之... 光...

我... 國... 有... 矣... 必... 揚... 德... 以... 示... 來... 世... 永... 垂... 萬... 古... 之... 光...

我... 國... 有... 矣... 必... 揚... 德... 以... 示... 來... 世... 永... 垂... 萬... 古... 之... 光...

我... 國... 有... 矣... 必... 揚... 德... 以... 示... 來... 世... 永... 垂... 萬... 古... 之... 光...


我... 國... 有... 矣... 必... 揚... 德... 以... 示... 來... 世... 永... 垂... 萬... 古... 之... 光...

我... 國... 有... 矣... 必... 揚... 德... 以... 示... 來... 世... 永... 垂... 萬... 古... 之... 光...



行厚百四十九公傳贊

公諱昭宥字以豐行厚百四十九係淳八十八公之二子也生於乾隆丙戌年與予伯父同庚向與予伯父誓心結義聲相應而氣相求捉膝談心善相勸而過相規其義之可取有如此至若其事椿萱也冬溫而夏清其待昆季也坐隅而行隨歷盡艱難捨基業於式廓經畫營謀建棟宇於聿新慷慨處世不急之于名利坦白爲懷不屑之于錙銖言忠信行篤敬洵然有古學士之風胡天不惠遽爾仙遊令我輩徒悼嘆於景慕之無從元配黃氏名門淑質德容並美敬事舅姑樂勤蚕績待娉妯以和接鄰里以睦肅也雍也克嫻婦道舉案齊眉相敬如賓洵所謂女中之豪傑也生一子曰宏基舉止端方箕裘克紹善繼善述家



○厚百七十五昭純師祖傳

魁梧其體整飭其身貌樸而古性直而醇居家庭溫和持已處鄉黨寬恕待人而且課兒孫以務業鋤雨犁雲訓子姪以成名采芹泮水人生七十古來是稀儀協三千誰能竊比自當列飲賓集鄉望而顯今日之榮光深後人之景仰也夫

皆

道光廿五年歲次乙巳春月吉日

晚生蔣賢琢拜撰

見古集卷之三十一

道光乙巳

○厚二百五公安人倪氏序

族叔諱昭倉宏澣之父也貌古樸言率直治家克儉處世能和素知稼穡艱難勤於農圃而不以為瘁迨後經營生理財頗裕焉奈天不假以年惜哉元配倪氏孝舅姑和妯娌修四德協三從尤可羨者魚分比目雁析雙栖節如松栢操若冰霜現年^六五十有四生二子一女子曰澣曰德澣有志書香從遊於予將來克振家聲以光前烈胡可量哉乙巳暮春之月修葺家乘予不文畧陳俚語以誌嚮徃云

大清道光廿五年歲在乙巳病月穀旦

邑庠生族姪際昌拜撰

